

DS

754

.2


L35


1731

v.2



v.2





鹿洲公案卷下

漳浦藍鼎元玉霖著

衡山曠敏本魯之評

平和張宣逸夫校

雲落店私刑

戊申二月五日有吏人過普邑之東郊一人肩行李
以從後兩人似學步輿夫舁一人被傷憔悴投宿邱
興旅店次日清晨肩行李者先驅從郡城大路以去

昇者尚卧弗起。吏人偕兩輿夫將行未行。邱興問之。

四兩頭不能捨

吏人曰。竊銀賊也。將稟官究治。以病未能行。有頃。吏

知道不好了

人及兩輿夫亦去。邱興往視病者。則其族人邱阿雙也。詢之不能答。以手指畫似言被毆將死之狀。邱興怖愕。白鄉長高伯友共追行者。走二里許。及之。三人皆與俱歸。伯友問其故。乃知爲海陽縣吏李振川自省歸來。至葵潭。僱募邱阿雙代肩行李。在雲落旅店。夜失四金。阿雙認竊未償。因拉赴普邑。欲稟究追耳。其兩人林阿雄。吳阿尾。亦阿雙之儔類也。阿雙有兄。

邱阿楚爲普禁卒。邱興喚之來看視。則阿雙已不能言。過午後死矣。乃相與赴稟縣尉。收振川三人于獄。申詳到潮邑。余星夜旋普相驗。右額角有木棍傷兩手。大指有繩索網傷。頭上周圍有篾箍傷。左右額角又有木片支櫛傷。腦後腮頰腋臑下體俱有烈火烤燒傷。遍身叢毆條條有似藤條亂擊傷。余曰噫慘哉。誰橫逆至此極乎。勿論鄰邑書吏。卽當路顯官如此所爲。我必令償其命也。當場鞫訊。則李振川自認失銀疑竊情由。及以折床木拴擊其額角一傷。餘皆雲

落汛蔡管隊及兵丁四人所爲與已無涉。而吳阿尾
林阿雄亦言細打箍燒諸事果係汛兵鞠賊欲追客
銀有店家徐阿丙可訊。余思此等異刑惟捕盜營兵
乃有之。恐所言未必無因。復見吳阿尾左手大指上
亦似有繩索痕。問之阿尾。固稱無有。余不信。復視其
右指亦然。合而觀之。則以細繩連細兩大指懸之。梁
閒俗所謂雙飛燕吊法也。睇審其頭上亦有篋箍痕
解其衣。則肋脇之際亦有火燒痕。余曰噫奇哉。汝一
身與死者無異。但傷痕較輕。汝何以緘默不言。至我

問及尚再稱無有。則彼銀非邱阿雙所竊。實汝竊之。汝故不敢言也。畢竟是誰刑汝。亦當言之明白。吳阿尾曰。亦蔡高也。余曰。蔡高如此橫逆。汝何以不言。阿尾曰。振川令我勿言。恐作命案內干証。拖累死耳。余曰。蔡高所爲之事。振川令汝勿言。無此理也。阿尾言。振川憐我負販窮人。遭波累。解審無所得食。失銀係彼切已事。當爲蔡高所累。萬不可免。多我一人無益也。余照例錄供。填註圖冊。通報一面。移檄雲落汛。提到蔡高及店家徐阿丙。蔡高極口稱冤。而吳阿尾林

阿雄尚附和指証。因復移檄惠來營。將蔡高革除名。
糧。以便刑訊。一面移取縱兵職名附詳題叅復吊集。
犯証。虛公研審。則徐阿丙此供一出。離離現形供詞與衆大異。稱振川有
族姪醫卜長途。不能存活。先一日來投雲落店。初三
日夕。偶爾相逢。亦與同宿。懇振川借給資斧。俾得還
家。振川許之。越日黎明。振川失銀四兩及錢八十文。
因謂同宿者曰。官銀被盜。事關地方。汝衆人不協力。
追求。將過累汝等矣。店中之人皆大恐。互相盤問。傭
夫林阿雄等。僉謂邱阿雙終夜不寐。開門出入二次。

遂以阿雙爲偷竊直向追求阿雙不服振川曰盜竊
官銀打死勿論取折床木拴擊傷阿雙額角復命族
姪共繫之族姪恨其竊銀致振川所許資斧竟成空
虛以細繩合細阿雙兩大指懸之梁間拔束薪之堅
直而長條者鞭之數十衆人皆勸阿雙供認阿雙仍
不服振川復與其姪用竹篾紮成圈子箍其頭腦之
四圍削兩木片支其左右頭角使箍內滿而緊束目
睛若將吐出然阿雙仍不服復用山茅然火爇其腦
後腮頰腋臑下身阿雙言吳阿尾同床何以得免振

○吏○人○聲○口○

○私○恨○

○逆○刑○

○橫○逆○極○矣○

○炮○烙○之○刑○

○甚○于○

川叔姪復疑阿尾同竊亦縛阿尾以治阿雙之法治之而阿尾亦不服也振川以阿雙倔强銀不得出始赴汛弁言其事把總王大振以事關地方遣紅旗蔡高至店查問阿雙自度不免信口支吾蔡高亦以爲果偷兒也勸振川解其縛押搜前銀終無所得回覆汛弁王把總曰鞫賊乃文官之事令振川帶赴普邑稟縣究追振川叔姪遂以阿雄阿尾偕阿雙往普作証甫行數里阿雙又稱銀在店中振川等復將阿雙回店遍處搜尋仍無踪跡日將暮蔡高復至店中恐

阿雙夤夜脫逃。爲地方累。令振川以繩縛其手足而蔡高亦可惡睡。至初五日黎明。阿雙已受傷深重。不能行走矣。振川乃許阿雄阿尾酒食。令其舁阿雙至普邑。尚望追出原銀。不意一朝畢命。此當日實情也。余不信。命夾之。謂振川阿雄阿尾。前言已盡。豈汝一人所能飾說。汝得蔡高賄幾何。欲脫有罪。害無辜乎。徐阿丙曰。天日在上。夾死不敢妄言。請從容細審。到水落石出之後。如非振川叔姪所爲。則以我償其命矣。問振川族姪何名。阿丙曰。不識也。當問振川。乃知之間營兵四

人何名。阿丙曰：止有蔡高一人，並無他兵。夾死亦不能造出名姓也。喚阿尾、阿雄，與之對質。阿丙詈其昧心，誣良必遭迅雷擊死。阿尾、阿雄不敢與辯，命夾之。兩人皆曰：阿丙所言是也。我等前日誤聽振川商謀，謂人命重事，禍累無休。家貧不能備具棺斂，與原告和息。不如三人合供營兵打死汛官，必懼而求和。邱阿楚得賂領埋，可免通報。我等皆無禍難。於是細打箍燒諸事悉諉營兵，而木條細傷供爲弓弦所打。今汛官不出和息，命案已經通報。徐阿丙活口現在供。

証鑿鑿我等豈能復昧良心乎。此人實係李振川叔。老辣不才之輩
姪打死與營兵無干涉也。果然余思屍場驗訊之時吳阿
尾匿傷不言原有情弊設非振川凌虐何以教令勿
言因復訊阿尾曰汝當日身傷亦言是蔡高所爲今
何謂營兵無涉阿尾曰惟是振川刑我所以令我勿
言我因聽其謀欲冀和息所以當場默默若果蔡高
細我吊我籬我烤我我肯爲之隱諱乎今日所供乃
是實情雖斬首入地亦不敢言非振川叔姪矣訊蔡
高蔡高抵死不承乃訊振川振川嘆曰前生夙孽願

死無所言。余曰：阿雙一命，畢竟斃于何人之手？振川

老實

曰：我也。余曰：阿雙強壯，汝羸弱之軀，何以能制其死

二語了然

命？必受蔡高賄買耳。振川曰：族姪李阿顯助我，非受賄也。因將當日緹打籬燒情形備述，不諱與徐阿丙所言俱相脗合。問前供何以不及阿顯？阿顯家居何處？有父母妻子與否？振川言：彼時欲推諉營兵和息了事，是以不及阿顯。併自己亦不承招。今則道其實耳。阿顯家在惡溪韓文公驅鱷之處，無父母妻子。子然一身，東食西宿，自普邑先回之後，不相聞問者數

無根之人豈易拘到

月未知復出周流道路否也。余星夜關移海陽縣專
差守提果獲李阿顯到案當堂一訊。有神使之不待刑鞫遽將
當日偕叔李振川酷虐刑死。邱阿雙情形直言不諱。
與徐阿丙李振川等各供先後脗合。余曰噫是矣。乃
定爰書擬振川抵償阿顯杖流三千里。蔡高徐阿丙
不行勸救。阿尾阿雄初供不實。各予八十重杖解府
審明轉解臬司。臬司以初報供指爲憑。今審係振川
阿顯致斃。與原詳不合。檄駁覆審。余復虛心靜鞫。詳
慎研訊。再無可疑。仍照原擬解上。大拂臬司意。時必

欲坐蔡高兇手。取約兵不嚴職名附叅。見余不依檄。
駁翻案。不勝憤怒。欲加以易結不結罪名。劾余落職。
余曰。殺非辜之人。命以保一己之功。名。此事豈我爲。
之哉。不如削職入深山讀書。仍不失故吾也。臬司復。
調余至省。令覆訊。且面諭曰。汝恃才執性。目無上司。
我原檄如何駁詰。汝竟置若罔聞。此案若非營兵兇。
手。何能爲此酷刑。汝從前驗報如彼。今日審詳如此。
何以達部結案。茲付汝再審。汝其慎之。余曰。某無才。
未職。安敢任性。已照憲檄嚴審。而犯証矢口不移。無。

如何也海濱之人爲盜捕盜無所不諳。網打。繩燒。之。
事原不必待營兵而後能振川身任縣胥豈不知殺。
人者死阿顯並未刑鞫亦皆甘罪如飴此則鬼物憑。
至理。
之人命關天不償不已豈人所能強乎蔡高實係無。
辜故令屈抵不特抵者不願恐受抵者亦不願也當。
時錄供通報則據所言如彼今日審出實情則定爰。
書如此大部駁詰亦無如何去官事小枉殺非辜事。
大惟有靜聽參革而已臬司怒不可回跳叫詈罵欲。
行揭參左右曰免冠叩響頭謝罪余笑曰免冠亦不。

妨但頭何能響此事我未之學也臬司亦笑且恨因
是。好。付。之。一。笑。

曰汝且虛心再審不必執定意見余曰不敢也余思
限期已迫若待再訊解府府訊解司則緩不及事因

將案卷人犯帶赴本府公署會審駁詰刑訊以府憲
示至公無私也

胡公爲主余從旁靜而聽之命胥役亦於其旁並記

口供則振川阿顯蔡高阿丙阿雄阿尾諸人堅供如

前至死不變余更改問語補新供再將原讞叙入携

質臬司閱畢大怒罵曰汝止自改問語耳供讞則仍

舊真目無上司視我若狗吠者也余曰不敢問語出
中。正。

自問官可以更改口供。出自犯人死生關係。豈問官所能移易口供。既不可移。讞語自難更張。今日之案實無疑義。請憲臺明鏡親審。如有謬戾。罪不敢辭。臬司曰。親審若有別情。揭衆必不可易。余曰。願之。遂趨出。同列皆爲我危。余曰。我自幼貧賤。以至今日一官有無。何足輕重。殺人以媚人。此官尚可爲哉。越數日。臬司親訊。疑振川等受人賄囑。將遍刑之。振川曰。我在公門數十載。豈不知殺人者死。雖有千金之賄賂。而無性命以受。享得此欲何爲哉。吾以四金不能舍。

之故。悞殺一人。今復誣罪于無辜之人。是我又殺一人也。此案不枉卽夾死亦無他供矣。阿顯曰。我殺人不認。乃當刑夾旣已供招明白。不敢架禍他人。又何夾焉。蔡高曰。吾今日卽死于夾。不敢代人償命。使邱阿雙含怨九泉也。阿丙阿雄阿尾皆言前供是實。今日夾死亦再不能轉移爾。臬司顧書吏而笑曰。伊等作手如此精妙乎。吾欲翻案則無從翻起。欲刑夾則無從夾起。書吏曰。此是實情。非作手也。且將此案商之撫憲可乎。臬司曰。善。卽以其情入白之。無憲曰。可。

天○遂○依○擬○題○結○而○李○振○川○李○阿○顯○數○目○之○閒○先○後○俱○
卒○于○番○禺○縣○獄○不○待○刑○法○之○及○也○

雲落非刑聞者髮指若使抵償不辜千載有餘恨
矣去官事小枉殺非辜事大如此乃可執法

三山王多口

有陳阿功者。以急究女命來告。云其女勤娘。嫁鄰鄉
林阿仲爲妻。于歸三年。未有男女。仲母許氏。素酷虐。
憎女貧窶。此九月十三日。我造其家看視之。則女已
杳無踪跡。不知係打死滅屍。抑嫁賣他人也。問汝女
曾否往來汝家。曰。八月來。九月初六日。方去。有王阿
盛。可質攝訊之。則阿仲母許氏。切切鳴冤。云寡守十
七年。始娶一婦。而媳婦連月歸寧。七月閒往復者二。
八月六日。再去。十七廿四初三。速之數次。皆不還。不

知何故至此十三日陳阿功忽到我家欲索女命此
必係阿功立心不良欲圖改嫁故藏匿耳問陳阿功
女在汝家以何日旋去與耶步耶何人偕之行曰女
九月初六日言歸貧人不能具有輿遣其弟阿居送
之半途步行而去問汝兩家相距遠近幾何曰寸餘
里阿仲母子大呼曰並無歸來此是實情左右隣可質問王阿
盛汝于何日何處遇見陳女旋家曰聞阿居言之耳
未見也我家里許有三山國王廟我九月六日鋤園
道左見阿居自廟歸來言吾父命我送姊還家我問

曰姊在何處。阿居曰去矣。我所聞如此而已。餘不知也。問陳家貧富何如。阿盛曰貧甚至廟幾里。曰三里。許林家至廟幾里。曰六七里。呼陳阿功詰之曰。汝女既已適人。汝家又非甚富。值茲米珠薪桂之秋。日日歸寧。何爲且夫家促回三四。汝不聽去。又何爲初三來請。汝既不依。豈有初六無故自行送去之理。又不令汝子送至其家半途而返。與無干之王阿盛言之。何意汝子無心一言。汝又何從而知。遂援引以作證。據其爲汝改嫁。播弄機巧無疑也。阿功呼天撲地哭。

曰○父○子○至○情○一解○蔬○水○可○甘○何○必○富○壻○家○催○促○再○三○堅○不○

之○許○自○覺○過○當○送○還○補○過○理○所○當○然○兒○子○尚○幼○離○家○二解
三解

不○敢○太○遠○至○于○半○途○則○壻○家○亦○已○在○近○我○怪○兒○回○太○四解
五解

速○詰○以○未○至○半○途○兒○言○已○經○過○廟○有○阿○盛○叔○看○見○今○

女○無○踪○是○以○牽○連○及○之○我○非○不○知○女○子○從○一○而○終○豈○六解
詞○嚴○義○正○辨○

有○壻○在○別○嫁○之○理○喚○阿○居○問○之○則○年○方○十○歲○云○送○姊○得○開○

至○廟○前○而○返○問○何○不○送○至○其○宅○曰○父○命○我○回○家○牧○牛○

聽○姊○自○去○嚇○之○曰○姊○現○在○汝○家○嫁○人○何○敢○欺○我○汝○不○嚇○得○利○害○

實○言○斷○汝○指○矣○阿○居○懼○哭○而○不○言○再○三○餌○之○總○曰○無○阿○居○亦○利○害○

此事問廟有僧否曰無有有乞丐否曰無有左右有
人家否曰無有有樹林否溪河池塘否曰無有問汝
家左右鄰何人曰左右俱無隣居余終疑陳阿功所
賣較成機局而阿功刁悍阿居幼小皆難于刑訊思
得竅南人畏鬼當以言試之召兩造謂曰汝二家俱無確
証難定是非既道經廟前則三山國王必知之汝等
且退待我牒王問虛實明日再審越次日直呼陳阿
劈頭便罵使之膽破功上堂拍案罵曰汝大非人類匿女改嫁且聽信訟
師欲以先發制人汝謂人可欺乎人可欺天不可欺

舉頭三尺有神明三山國王告我矣汝尚能強辨乎

如聞其聲

汝改嫁何人在于何處得價幾兩我俱知之汝不贖

還今夾汝矣阿功懼不能答伏地叩頭求寬余曰贖

不打自招

還寬汝阿功曰是也爲窮餓所驅嫁在惠來縣李姓

者聘金三兩願鬻牛以贖之卽將陳阿功痛杖三十

奸利害

枷于市命之曰贖還釋汝不贖不還枷死乃已於是

川苛

阿功使其妻王氏往惠來求贖李姓勒令倍償財禮

牛女俱去可謂敗了夫人又折兵

王氏鬻一牛及幼女得六金贖之林阿仲聞有六金

懃勤娘失節遂私與王氏議和得金更娶而勤娘仍

歸李矣。陳阿功荷校兩月，幾斃。命謂其妻曰：「早知三
○夢○囈○可○以○解○頭○山王多口，悔不將牛及幼女早賣，免受此苦楚也。今
○王○氏○亦○老○實○事畢，宜稟官釋我。王氏以其言來告，余笑而釋之。
陳阿功乃絕好訟師，自犯自告，令人不疑。任汝層
層駁倒，伊却層層辯開。舌底生蓮，殊難招架。此等
人若不畏鬼，將以何法治之乎？早知三山王多口，
悔不將牛及幼女早賣，二語可謂奇絕。

謝安嘗曰吾嘗遊二山一曰五言詩

人皆不覺其佳然其佳處在字句之間王羲之

亦嘗以此語人曰詩之佳處在字句之間王羲之

亦嘗以此語人曰詩之佳處在字句之間王羲之

亦嘗以此語人曰詩之佳處在字句之間王羲之

亦嘗以此語人曰詩之佳處在字句之間王羲之

亦嘗以此語人曰詩之佳處在字句之間王羲之

西穀船戶

潮爲郡故產穀之區也。三歲洊饑，民生艱食。雍正五年，制撫大吏請于朝，議發西穀十萬石，勻貯潮屬各縣倉，備賑恤平糶之用。○詔報可。兵民以手加額。○相慶慰。○而是年夏禾半收，冬稔八分以上。穀價稍平。○秋冬閒，撫藩派撥省倉西穀發運，惠潮觀察樓公故廣州郡守也。公在廣府任內，平糶出入存畱，未買穀價五萬四千二百八十石，應買穀還新守補倉，而潮爲公所屬郡，乃議往高州買穀運潮，省勞費。時嶺東

穀○價○石○尚○入○錢○西○穀○上○者○不○過○五○錢○中○者○下○者○在○三○
四○錢○之○閒○一○舉○兩○美○制○撫○以○爲○便○於○是○運○潮○之○穀○樓○
公○毅○然○任○之○領○出○穀○價○遠○近○並○買○遣○潘○田○司○巡○檢○宋○
所○以○有○高○運○省○運○之○分

肇○燭○烏○槎○司○巡○檢○張○宏○聲○三○河○司○巡○檢○張○德○啓○招○寧○
司○巡○檢○范○仕○化○分○途○押○運○潘○田○司○素○有○幹○才○能○權○子○
母○將○穀○價○于○佛○山○購○廣○鍋○棉○布○之○屬○帶○往○高○州○發○市○
然○後○買○穀○以○歸○稍○延○時○日○悞○風○汛○卽○在○高○州○洋○面○沈○
失○西○穀○二○千○八○百○石○又○在○香○山○海○洋○報○稱○被○盜○又○報○
漂○沒○三○舟○而○私○貨○毫○無○損○失○或○者○疑○之○烏○槎○司○亦○在○

海豐洋面沈失西穀二千八百石招寧司專在省城
出題鄭重船戶來歷在此
領運近買之穀一萬五百五十石全付潮陽范巡檢
以海船險苦先由陸旋潮押運人役各與船戶串通
沿途盜賣每賣穀一石押運得錢百文以爲定例所
督八船自二月十八日在省開駕至四月二十八日
到潮邑之磊口余適會海門潮陽達濠三營將官勘
酌脩造戰船不植聞西穀備極不堪兵以發餉爲患
因檄行押運巡檢范仕化就入船中各起好穀一石
○上明○重○
送至縣堂會同海門營叅將許君諱大猷潮陽營遊

擊劉君諱廷俊守備永君諱福達濠營守備吳君諱

大○度○廣○年○十○目○所○視○

崑卽于縣堂之上眼同風颺每穀一石有弱淨八斗

二三升者有七斗五六升者合計勾算石可得淨穀

八斗復令范巡檢會同弁目碾米每石得米三斗八

九升或四斗不等色黦且碎三營有難色余謂范巡

檢曰聞西穀素佳道憲軫念民瘼豈忍以有名無實

之穀失嗷嗷待哺之心皆君輩不慎致使船戶舞

弊至此將奈何范憤然作色曰此皆道憲所買之穀

一好推卸

好醜惟道憲是問船戶不敢損毫芒也時道府檄催

收穀甚急。且言船泊海上。風濤不測。萬一有意外之虞。將誰任咎。余曰。然。且受之。遣書吏黃遇。趙平。邱潮。黃輝。陳良。陳智等。帶領小船數百。往磊口接運。則見船上高飄黃旗。六書奉旨。押運憲役高光等十人。及招寧司外甥馬相公。弓兵董明。皆正容端坐。作上得時得氣司差員。行徑舵梢。水手如虎如狼。指揮呵叱。黃遇等相顧懾息。莫敢出聲。先以水浸爛穀。攪和量交羣吏。以不堪貯。厥爲請船戶厲聲曰。大老爺發下之穀。雖說得凜然。可畏。却亦是忠謀。粗糠沙泥。誰敢不受。汝主欲做官否也。吏皆曰。非敢。

不受。但濕穀另交。可以攤晒。乾濕混雜。恐乾者亦爲
所累。船戶曰。我。不。管。也。吏。不。敢。復。言。亦。屈。意。受。之。是
時。船。上。諸。人。驕。橫。無。比。言。必。稱。大。老。爺。范。巡。檢。與。吏
氣。執。召。之。極。
言。船。戶。必。曰。大。老。爺。船。戶。言。舵。工。水。手。必。曰。大。老。爺
舵。工。大。老。爺。水。手。而。船。戶。水。手。日。日。輪。流。置。酒。與。招。
好。快。活。好。受。用。
寧。司。高。宴。妓。女。頑。童。晝。夜。不。絕。諸。水。手。又。設。爲。飲。量
之。法。將。斛。斜。放。穀。面。不。俟。上。滿。輒。盡。力。向。下。刮。之。羣
吏。曰。如。此。則。每。斛。少。一。升。有。奇。矣。我。等。將。何。以。交。倉。
船。戶。曰。大。老。爺。斛。面。如。是。汝。等。上。倉。與。否。我。安。知。之。
像。箇。上。司。差。員。口。氣。

吏黃輝不能忍出怨言曰如此則我等每人須賠穀
數十石汝輩傷天害理不存良心動輒稱大老爺大
老爺豈教汝如是乎船戶黃兆大怒鳴鑼黨衆將黃
輝楚撻破額輝跳入小船逃生兆遣王阿受李阿二
等追至小船撲擊之小船戶陳阿牡蔡阿相皆被傷
招寧司馬相公目視之而無言時五月十一日也於
是小舟盡逃羣吏踉蹌歸來莫敢再往尚有二千餘
穀在船未收余不得已復僱募小船于十三日檄委
巡檢范仕化帶領交收范仕化不肯余思仕化身為

橫逆

彼心中何等快活

運官船戶其所管轄又現任招寧司巡檢以潮邑之

認作屬員宜其敗也

屬員辦潮邑之公事有何推托之處于十五日再行

檄催至十七日仕化猶不動且言道憲係屬至交經

連日具稟陳明早晚穀船疎失不知是誰之罪余聞

我至令猶為現情

其語為之毛髮悚然知此人奸險能幹為上憲腹心

重用之員既經連日具稟恐夤夜將穀搬藏鑿舟入

水我咎其可逭乎因臚列事由詳明列憲即于十八

然悔無及矣

日清最躬率小船出海接運而西穀愈出愈醜有水

注爛者有發熱如火者皆收而不問惟糶扁太多似

非原穀。疑道憲所買。未必至于此極。而范巡檢力爭。
稱係道憲賤價所買。海陽揭陽皆是。此穀發付不干。
船戶之事。余亦不與之辯也。越次日巳刻。吏復取扁。
穀來觀中。多米粒。余思道憲買穀焉。有攪米之理。此。
確係船戶盜取碾米。仍將糠粃攪下耳。碾米必在附。
近人家。吾得其閒而入矣。因閑問兩岸有鄉村否。舟。
子言樹林內有之。東爲松子山。西爲棉花村。余佯言。
舟中熱甚。登岸乘風坐于松陰之下。少頃有趨而過。
者。召問之。其人曰不知也。余曰不知不已。今捉汝其。

幾粒米惹出無數是非

得窺

人曰。須問鄉長。余曰。然。卽遣役喚棉花村鄉長。鄉長
病。其母來曰。欲究窩接西穀。則我老人知之。不必問。老嫗。爽。快。
病兒也。吾鄉中鍾阿信。鍾阿興。魏阿加。皆爲碾米數
十石。或接往達濠發賣。對面松子山。李阿家。謝朝士。指。點。得。妙。
等。更多窩接朝士家中。聞尚有西穀未賣。急掩取。無
不獲者。余立刻遣役趨松子山。謝朝士家。果有西穀
四包在焉。連人及穀俱獲。以來問何船之穀。則曰。鄧
文興也。命捉文興。舟中言文興已往府鎖其舵工湯
廣萬。訊之。則諸舟無不然者。余謂范巡檢曰。何如。范。妙。

曰固知之余曰知而不言何也實○在○說○不○出○范無言可答余將兩

岸窩接之鍾阿信鍾阿興魏阿加李阿家併八船船

戶黃超成等盡拘入邑○拿○得○暢○快○當堂確訊則謝朝士于被獲

四包之外另為碾米十三石鍾阿信代碾十六石鍾

阿興代碾十四石皆載往達濠發賣李阿家代碾十

七石魏阿加代碾八石又為載米六石往達濠發賣

又代買扁穀二石余曰噫磊口兩村之弊不過如此

矣訊船戶黃超成則侃侃直言在天字馬頭買扁穀○一○船○○老○實○得○妙○

五十石虎頭門買扁穀十石至九龍又買扁穀十石

達濠買扁穀六石二斗。棉花村買扁穀一石二斗。沿途碾米盜賣共去好穀一百二十餘石。除攪下扁穀精詳之至七十七石四斗。今尚缺少額穀五十一石五斗。問汝舟並無破損。何以穀皆漲熱。據供係量交之前一日。恐穀石短少。將扁穀用滾水泡濕。攪下不虞黃兆等衆人角口。數日不來盤收。此所以發熱也。二船訊船戶麥長。據供在天字馬頭買扁穀二十石。汕尾買扁穀十石。平海買扁穀六石。沿途碾米換菜食用。共去好穀八十餘石。除攪下扁穀三十六石。尚缺少穀五十八

石訊船戶謝勝據稱實名王光嵩乃代謝勝押船其

買賣穀石皆謝勝自爲之事我不能知其詳只在天

字馬頭賣去好穀五十石隨買扁穀五十石攪下將

開船時又賣去十餘石平海汕尾賣去十六石庵埠

賣去五石皆隨買扁穀攪下其他處盜賣及沿途碾

米換魚換菜出去好穀不知幾何大抵亦有百餘石

除攪下扁穀一百二十餘石之外尚缺少穀九十石

五斗問汝穀亦發熱何也據稱我等亦於將交之先

用滾水泡下使穀漲多不虞因黃兆衆人角口數日

此更攪得利害

不來盤收。是以發熱問汝八船皆泡。水乎曰然也。訊

四○船○

船戶黃兆則黃兆攬載未回。而所獲者乃舵工林家

相也。據稱黃兆在天字馬頭買下扁穀五十石。虎頭

門峽西買扁穀二十石。九龍買扁穀十五石。沿途盜

賣及碾米換菜食用。共去好穀一百三十餘石。除攬

下扁穀八十五石。尚缺少穀四十七石五斗。訊船戶

李德則係黃奇昌黎阿二公共之名。黃奇昌在府未

獲。據黎阿二供在庵埠買扁穀十石。在潮邑買扁穀

二十三石。達濠買扁穀三十石。沿途盜賣碾米換菜

共○去○好○穀○百○餘○石○除○撓○下○扁○穀○六○十○三○石○尚○缺○少○穀○
三○十○四○石○五○斗○訊○舵○工○湯○廣○萬○據○稱○船○戶○鄧○文○興○買○
賣○之○穀○不○能○深○知○其○詳○止○五○月○初○五○初○六○兩○日○在○磊○
口○有○小○船○載○扁○穀○二○次○文○興○共○買○二○十○餘○石○撓○下○沿○
途○盜○賣○碾○米○大○約○不○及○百○石○撓○下○扁○穀○不○知○多○少○今○
尚○缺○少○穀○四○十○五○石○訊○船○戶○謝○永○興○據○稱○永○興○在○府○
未○回○我○乃○舵○工○李○昌○桂○也○永○興○僱○小○船○在○東○莞○縣○買○
來○扁○穀○五○十○石○天○字○馬○頭○買○扁○穀○三○十○石○庵○埠○買○扁○
穀○四○斗○沿○途○盜○賣○碾○米○換○菜○亦○不○過○百○餘○石○除○撓○下○

扁穀八十餘石尚缺少穀三十三石五斗訊船戶陳
裕興據稱裕興在郡未回我乃舵工黃志成也裕興
于二月十七夜用小船三隻剝載好穀五十石回家
在東莞縣買來扁穀五十餘石虎頭門買扁穀三十
石沿途盜賣碾米食用大約亦百餘石除撓下扁穀
八十餘石尚缺少穀五十石余曰噫是矣登卽移行
達濠營併檄招寧司官吏將八船駕往達濠港內嚴
加看守將船戶黃超成等諸人羈禁通詳一面關移
海陽縣提拿船戶黃兆謝永興陳裕興黃奇昌鄧文

興各正身赴縣質審。六月初十日皆至覆訊之。則黃
兆實名林有德據稱天字馬頭虎門九龍共買攬扁
穀八十五石及碾米食用盜賣缺少之處與林家相
所供若合符節。謝永興實名滕有興據稱省城東莞
庵埠共買攬扁穀八十石四斗及碾米食用盜賣缺
少之處與李昌桂所供若合符節。陳裕興自言東莞
虎門買攬扁穀八十餘石及碾米食用盜賣缺少之
處與黃志成所供若合符節。鄧文興乃湯廣萬向之
湯廣萬乃鄧文興所供買攬扁穀碾米盜賣缺少之

處亦兩人如出一轍黃奇昌詭名劉阿進據稱買攬
扁穀於黎阿二所供六十三石之外尚有天字馬頭
買攬扁穀九石虎門買攬扁穀五石達濠多買扁穀
五石共攬下扁穀八十二石餘俱亦如一轍至問其
有無給與高光馬若愚等每石百錢之陋例則八船
戶合口齊聲並稱一錢不少無一人有異詞也余掩
卷嘆曰諸船戶經審數次不用動刑先後口供弗差
銖黍此尚何疑義哉彼行傭貿易之細民貪小利無
足怪向非押運官役養成驕縱亦何遽至于斯猫鼠

同眠嫖飲浪費公然以賤買醜穀勒抑屬員之惡聲此輩自巳受用那管別人名聲惜上憲在其術中而不覺耳加之公忠爲國之道憲非平日深受憲恩之人所宜出此也據招砂都約保邱朝黃經等稟稱松子山綿花村盜出穀石招寧司馬相公弓兵董明憲役高光等諸人皆預焉約長王瓊林船長邱兆美保正王朝等稟查盜接西穀小船鍾阿信鍾阿興魏阿加等之外尚有招寧司巡船私自載運而脚夫吳阿孫自言范巡檢之子大相公令將西穀代爲挑至米舖碾米八石入巡司衙門食用者二次矣約保將吳阿孫解

到訊之果然一時幾不能忍欲將范仕化高光等問

此乃見王法

實在此

成盜首通詳叅究念係上臺鍾愛信任之人投鼠忌

行不從

器有傷憲心恐非自全之道再四思維是以中止祇

如是足矣

將攬和盜賣情節申憲究追但思范仕化等護庇船

戶竟以醜穀盡誣道憲置身事外是誠何心今水落

石出入船船戶攬下扁穀六百餘石缺少額穀四百

句有含蓄

餘石則此中情弊瞭然矣六月二十二日潘田三河

兩巡司運到高穀在澄海縣溪東港遭風淹沒殆半

其穀或在水中撈起和泥晒之鹹水浸淫外乾內敗

奉憲諭各縣四六勾撥。餘者盡歸潮陽。是以潮邑又
于四六之外多收水穀三百餘石。計接受潘田司好
穀一千五百七十五石。水穀一千三百八十石。三河
司好穀二百七十九石。水穀二百七十八石。水穀顏
色黯黑。觸手成灰。經憲委招寧三河兩巡檢勘估。前
運西穀之暇。併取一石晒乾。碾出灰米三斗六升。米
戶此言不可不聽以爲無用。及早設施賠補八百石。可已遲之。則歸
無何有之鄉。全爲交盤大累矣。統計潮陽一邑共收
海運西穀一萬四千四百七十二石。或交代風颺。或

碾米給餉均應賠補三千二百石縣令爲道憲屬員
○忠○厚○之○至○
自分代賠二千二百石其攙和盜賣缺額一千餘石
○不○可○謂○不○公○道○
之穀應于各船戶名下追補此大公至正之道也上
憲檄行海陽潮陽二縣會審究追將其船變賣賠補
而招寧司巡檢范仕化屢藉稱道憲之命請釋船戶
○畢○非○開○管○也○
余以事經通詳案未會審不敢私釋而范仕化背出
危言余佯爲弗知比聞制撫題明西穀兌撥沈失情
怪不得他
由將四巡檢叅革發訊仕化愈懷怨懟每于道憲之
前播弄是非余適奉檄召至郡促出倉收面請憲示

道○憲○仍○命○審○明○將○船○變○價○賠○補○余○思○范○巡○檢○監○守○自
盜○已○經○漏○網○倘○將○船○戶○盡○釋○則○千○石○將○問○何○人○爲○道
憲○賠○補○二○千○餘○石○固○所○甘○心○爲○船○戶○賠○補○一○千○餘○石
無○此○情○理○范○仕○化○言○此○等○穀○石○何○須○賠○補○卽○使○新○官
交○代○有○道○憲○泰○山○爲○主○誰○敢○不○接○受○哉○然○余○心○終○未
敢○安○仕○化○退○謂○人○曰○招○寧○司○雖○暫○時○落○職○總○有○開○復
之○期○潮○陽○縣○亦○在○旦○夕○且○禍○烈○于○我○百○倍○直○張○目○俟
之○耳○寅○僚○以○告○余○曰○倉○穀○顆○粒○皆○關○民○命○未○便○有○名
無○實○欺○誑○○得○定○ 朝○廷○況○道○憲○大○人○長○者○爲○國○爲○民○斷○斷

乎無此事也。越數月，其言果驗。

何如

倉穀民命所關，押運官役猶鼠同眠，以國家勤恤民隱之隆恩，恣其嫖飲花消之受用，雖欲不治，不可得也。閱至今，君親造海上，因看見數粒之米就地生風，究出許多奸弊，一網羅盡，供招歷歷不覺爲之拊掌稱快。但上司欲爲掩蓋，則投鼠忌器，豈可過于認真，自貽伊戚？朝廷遠而上司近信乎？邑令之不可爲也。

忍心長舌

林振龍有女曰賢娘。嫁劉公喜爲妻。十有一年矣。生
數語見此婦之不宜有外心。劉家景象。如此。林罪。
一子一女。翁姑無恙。廬舍晏然。公喜以貿易爲生家。
顯然可見。
雖貧亦不至餒斃。公喜父國奕以墳山雀角待訊。揭
陽適病劇。公喜母攜孫往視之。林氏及幼女阿進在
家。未幾。振龍令歸寧。以去。鄰人奇以爲常事。弗疑也。及
公喜歸。自廈門入其室。不見其妻。鄰人陳孫典以歸
寧告公喜之。振龍家則振龍不見。見妻母鍾氏。問賢
娘顯然鍾故爲駭愕。曰無之。公喜言某日來在汝家。鄰里

眾目共見何言無有鍾氏曰固無有也公喜歸沿鄉訪問偵爲鍾氏遣子林開喬及販者郭阿連嫁賣以

告其族人劉文實文實率劉國定劉國重劉勤劉連

等偕公喜至振龍家大譟振龍父子不敢出公喜計

無所施將林園所種薯芋殘毀狼藉鍾氏出阻文實

等譁然詬詈之公喜痛妻不見狂跳叫罵尤無禮鍾

度無退敵之策入持薙髮刀出當衆自劃額頰諸劉

皆驚走然鍾氏勿未及喉刀傷甚輕固晏然無恙也

公喜猶不已必欲究知賢娘踪跡來告林振龍賣滅

其妻振龍亦告公喜賣滅其女。公喜告鍾氏謀販郭
阿連嫁鬻賢娘及阿進不知所之。索妻女二命。振龍
依樣並告亦可愚有司耳目
亦告公喜謀販郭阿連嫁鬻賢娘及盜薯行兇殺傷
夫妻二命。因遣役訪攝郭阿連未至未訊也。越二十
餘日鍾氏以病死。振龍視爲奇貨可居。以活殺妻命
來告云鍾氏怪劉公喜賣女。公喜聽監生劉文進主
謀聚衆行兇逼殺鍾氏。而告詞後開列元兇則又係
劉文實而非公喜。拐賣逼殺皆云文實之事。余見其
前後矛盾不問可知。爲荒唐然事涉命案不得不爲

詣驗也。鍾年五十有六，舊劃刀痕已經全愈，遍身黃瘦，並無微傷。活殺之控，虛誕極矣。但賢娘踪跡未明，黑白難分，勢不能以中止。拘出郭阿連，問訊則鍾氏前後商謀嫁女情事及遣子林開喬同送賢娘由惠來而之甲子所嫁與李姓者為妻言之歷歷皆有確據。而振龍恃有親屬為惠潮觀察使心腹，幹差專在其勢可畏外訪求官司得失，而其族又新近與邑中仕宦者聯宗紀綱數輩羅列屍場，自覺有赫赫之勢，堅不輸服。鄉民有所恃便不畏法余移檄海豐，併遣隸役偕郭阿連之申子所窺伺李

家住處獲出林賢娘交署尉張東海遣解來潮林振○真○賍○現○獲○
○二○語○生○出○無○限○風○波○龍要賢娘于路附耳數言而去賢娘至言十八于歸

今行年二十有九生一男一女男爲夫公喜所賣女

爲郭阿連所賣問賣汝者誰也曰劉文實也問汝與

文實有私乎曰無之無則曷爲從之奔曰爲文實之

○又○拉○一○人○

母馬氏所欺也因夫公喜非翁姑所生被逐無房舍

尺○

可居在文實家借宿而夫賭蕩作賊不顧妻子無衣

無食遂爲文實所賣問汝父母知乎曰不知也然則

汝自願嫁乎曰不願也余曰噫奇哉汝二月二十八

信口亂誣○可謂喙長三

硬○坐○一○人○

一○針○見○

○血○更○何○○理○○○案○
日在母家遣嫁何云文實曰馬氏遣郭阿連到我母

家給去耳彼言翁姑死令我之揭陽治喪我是以從

之去問是夕宿何家曰宿洋內鄉郭阿連家次日宿

分○明

惠來又次日宿甲子所至三月初七日嫁與李云義

聘金三兩劉文實郭阿連分之而去問汝平素與阿

連有私乎曰無也平素並不識阿連因馬氏遣來始

見面尚詐名阿順後乃知之郭阿連以首搶地大呼

曰冤哉我實受鍾氏之托稱賢娘新寡近地婚姻富

○何○可○賴○

者非偶貧者無所得食惟海豐甲子多魚鹽之利易

○情○事○歷○歷○如○

○太○巧○反○拙○

去路

以謀生人多溫飽令我同林開喬一行耳我乃男子
○至○理○此○是○假○不○得○的○
賢娘少婦非親兄林開喬同行鍾氏肯令其女從我
○明○白○了○然○已○無○
去卽賢娘亦安肯從素不相識之男人過都越邑之
○疑○義○
他郡以去此理甚明情甚確如彼所言我不服也再
○狠○毒○
訊賢娘賢娘以父兄先入之言爲主不實供刑之不
變訊林開喬開喬無可答亦但諉爲文實刑之不變
○狠○手○辣○手○
訊劉文實文實固稱無有賢娘開喬力指之刑亦不
變再訊郭阿連阿連稱止有林開喬母子與他人無
○已○無○可○訊○不○得○不○盡○其○詞○
一毫干涉刑之終不變余復呼文實訊之文實呼天

以○使○賢○娘○服○辜○耳○
撲地言公喜乃我從兄之子世豈有欺誑姪婦轉賣

他人之人且我非游手窮餓有妻有子有田有宅肯

作喪心病狂之事與郭阿連分三兩污穢之財我若

果有此情郭阿連豈甘代罪劉公喜豈不我怨卽林

振龍焉肯舍我而告爲公喜所賣我又安敢與劉公

喜往譟振龍之家以此嫁禍有死不服馬氏曰我二

十孀居苦守二子今行年七十足不履戶庭非禮之

言不出諸口豈有勸人改嫁作傷風敗俗之事若有

此舉則從前守節皆虛矣此婦人忍心害理十餘年

刻○骨○之○言○

○直○壯○

結髮恩深甘反面從他人以去又敢誣夫非翁姑所
生又誣以賭蕩作賊宅舍堅好誣以無室男子在家
五○誣○誣以鬻賣如此婦人何事不可出諸口尚以其言爲
可信乎因遍詢鄰居陳孫典房族劉紹萬劉國來劉
文忠鄉保楊鼎顯則公喜素守分循良無比匪醜行
貿易爲生亦無賭博室廬完固與劉文實尚隔一村
亦無賣子乃再呼賢娘問之曰汝言公喜賣汝男有
諸否曰然也賣與誰曰賣與阿翁劉國奕國奕哭曰
天乎公喜乃我夫婦親生之子公喜之男乃我之孫

何買賣之云哉余不禁怒髮衝冠命批賢娘頰二十

登時杖斃

賊骨

移其指拷之三十賢娘聲色不動余曰野哉傷風敗

化至此婦極矣吾早知其妄但林振龍挾上司威勢

不得不俾盡其詞此婦豈爲人所欺者旣明知洋內

鄉爲郭阿連之家又惠來甲子日日止宿之處條分

忍心害理欲蓋彌彰

縷析豈有被欺揭陽之理且誣夫爲賭爲盜爲非翁

姑所生爲無室無食如此潑婦何言不可出諸口彼

不獨長

以劉姓爲仇讐爲土芥豈肯爲文實所賣況其登車

舌啞然林振龍亦口難辨

就踣焉實出林振龍之家與文實迴然風馬非郭阿連

平昔私通則林開喬之行無疑也賢娘乃服辜言並

真長舌也

非與阿連有苟合但連年饑饉賣女者多不止吾父

母而林振龍林開喬亦自知不可掩諱俯首伏罪不

抵罪禮

敢復諉爲文實但乞免追財禮欲與劉公喜索殯殮

之資而公喜欲令其贖還幼女阿進郭阿連言阿進

乃開喬賢娘鬻在甲子所亦知其處命贖還之問公

自○然○不○敢○

喜國奕尚收回此婦與否父子皆叩頭流血曰不敢

賤○人○湯○網○恐○山○川○尚○有○餘○恨○

也乃聽歸後夫卽日出境免使久畱是邦爲潮邑山

川之玷郭阿連按律枷杖林開喬以母喪姑開一面

之○網○追○聘○禮○貧○無○可○償○勸○劉○公○喜○姑○置○之○勿○以○污○穢○
之○財○羞○及○阿○堵○使○覘○門○第○者○以○爲○有○不○祥○之○氣○而○林○
振○龍○以○年○老○姑○寬○勿○謂○有○人○乎○憲○司○之○側○果○煬○竈○藉○
未○必○不○可○恃○也○
叢○者○之○泰○山○可○恃○也○

天下殘忍不仁之婦至林賢娘極矣半生夫壻及
翁姑男女輕輕拋却無一毫顧惜之心且信口誣
蔑必欲網害其族人而後快虎狼蛇蝎蓋由家教
然也鍾氏視人盡夫振龍開喬均非人類風俗之
壞一至于此非賢令君極力轉移寧有瘳乎

仙村樓

潮陽有大盜曰馬仕鎮太學生也起得鄭重名鳴山字仕鎮所

居鄉曰仙村在貴嶼之南六七里地屬舉練都平疇

沃壤四望無際溪河交錯水清樹綠夜月蘆花漁舟

上下鳴嗚咿咿相歌唱以來往風景不亞於蘇松固

嶺東之勝槩也昔人以仙村命名今則爲盜藪矣馬

氏故巨族其丁男二千有奇分三寨鼎足而居左右

鄉村莫敢睨視仕鎮豪雄犷悍尤爲馬氏之冠生而

有盜行見人財物則心不能平不攘竊以去不止雖

至親密友亦必深藏示虛不敢使一注目也仕鎮慕

祖師嫡孫

柳蹠宋江之爲人招邀匪類往來浹洽四方無賴之

盜竄

輩皆歸之所居舍傍有大樓高廣堅邃羣盜至皆歛

之樓中大意以穿窬爲主飛簷走瓦鑽墉穴地者爲

如孟嘗君門下客雞鳴狗盜皆有之

上客駕舟逐流載私鹺攘客貨于水者次之懷石袖

椎徙倚道旁顛過客而奪財物者又次之樓中人衆

至百餘出入往來掉臂瞋目橫行無所忌民有犯顏

色者輒揮拳相向當急急謝罪惟恐不及遲則夜入

其家罄諸所有矣耕牛入村追者在門屠者在室懸

皮○肉○當○戶○而○市○牛○主○亦○不○敢○睇○觀○而○去○鄉○人○畏○之○如○
橫○行○極○矣○
虎○不○敢○斥○言○爲○隱○語○曰○大○樓○公○或○曰○樓○鼈○子○公○者○尊○
稱○鼈○子○者○潮○人○最○賤○惡○之○號○也○仕○鎮○以○攘○竊○起○家○漸○
致○富○饒○康○熙○四○十○三○年○捐○貲○作○太○學○生○自○是○儼○然○士○
名○器○在○身○氣○象○一○變○
林○羣○盜○不○復○曰○大○哥○而○共○稱○爲○馬○老○爹○矣○馬○老○爹○之○
羽○翼○衆○多○
名○震○潮○郡○撫○按○承○差○道○府○胥○役○皆○潛○與○往○來○凡○上○官○
神○通○廣○大○
差○員○出○訪○事○者○十○人○九○主○於○其○家○以○故○邑○中○紳○士○縣○
吏○捕○役○莫○不○趨○奉○締○交○惴○惴○然○惟○恐○稍○拂○意○也○然○貴○
山○峽○山○洋○烏○戔○水○黃○隴○舉○練○之○閒○家○家○不○得○安○寢○百○

里之內多怨嫉而不敢言有密白于官將捕治皆以
負固不可得搏差抗提視爲無足重輕前後任潮邑
攝潮篆者十令拘之三十有四年不能獲或設法籠
絡之彭令君以五都錢糧委之征收仍攘竊如故且
侵欺科派無所底止及支令君赫然振怒移檄守將
借兵四百親詣仙村擒捕之仕鎮命三寨皆閉門拒
守於垣墉上施火炮直向支令君攻擊營弁恐殺傷
啓大釁急命班師支令君憤恨不能已而上官左右
皆馬氏腹心且反於支令君督過不得不渙然冰釋

○仁○者○之○勇○

○公○然○迎○敵○

制手時

根○深○蒂○固○

自是仕鎮威震潮莫敢有萌擒捕之想者魏令君

聞風股栗

以西南地方委之看守號曰總約長仕鎮益驕橫無

引鬼入宅

所畏時或至邑治無敢問及而攘竊漸行于城中布

帛貨鋪擇肥而食街坊奸宄世家大族子弟且有陰

為黨羽坐地分贓者矣有監生陳開發者賈人也居

積布帛頗饒仕鎮偵知之時有華橋人胡其暢為峽

山和平一方巨賊然亦依仕鎮門戶聽指揮仕鎮遂

命胡其暢率馬阿一劉阿信黃阿尾蔡阿乙等以輕

往來無碍

舟直抵隆津乘黃昏進城三更破壁入陳開發鋪中

恣意搜括大獲所利而去時署令白公仙遊開發以
其事告縣尉分差訪緝而賊舟揚揚得意搖曳以歸
過林八渡爲水保方東昇所獲連舟擒捉以去胡其
暢等皆就縛惟劉阿信入水逃生奔報馬仕鎮仕鎮
親詣林八渡見方東昇則東昇已將布帛絨線各贓
物盡起而藏諸家陰使保正李茂開入縣首報矣仕
鎮餌以利害以威東昇亦恐還其大布四百丈併胡
其暢等皆釋之未幾捕役至遇胡其暢將歸華橋遂
爲所獲方東昇以所餘布帛絨線繳縣尉尉召訊供

尚有贓據

始知馬仕鎮所爲。遂據情詳報郡太守。而余方奉檄。攝潮篆。未知其事。但素聞馬仕鎮爲一方大盜。經十
○心○民○慶○何○患○地○方○弗○寧○令捕緝三十四年。弗能獲。思欲爲地方一除民害。十
○未○到○地○頭○先○思○除○害○如○此○留○月十七日。將之潮。舟過仙村。見三寨鼎足。人烟稠密。
寨內大樓巍然雄壯。誠非可以力獲者。夜躊躇不能
○絕○好○賊○線○寐。訪知仕鎮有甥林承爲潮邑馬快役。喜曰。在斯人
矣。十八日抵潮。泣任密呼林承至內室。謂之曰。汝欲
○半○空○霹○靂○令○人○嚇○死○生乎。欲死乎。欲全汝妻子乎。滅汝門戶乎。林承駭愕。
叩頭流血。不知所爲。余曰。汝舅馬仕鎮也。汝能致之。

來則生不來則死囚汝妻子滅汝門戶林承泣曰此事甚難非強力兵威所能濟容徐圖之余曰宜速不宜遲彼未知吾三尺汝尚可以誘致遲則不敢出矣吾遣林光翁馱等五人與汝偕汝先爲調虎離山之計然後相機而行可也林承令林光等且俟而自以他事往仙村見仕鎮問安否若爲弗經意也者乘間言曰舅專制一方爲總約長今新官蒞任得毋往謁見乎仕鎮曰吾方思之林承曰何以思爲去則去不則不耳誰抑勒吾舅者但蒞止方新有過堂應卯之

弗經意妙

方略

善手詞今

例○可○因○此○覘○其○能○否○其○可○畏○耶○則○後○此○稍○避○之○其○可○
狎○耶○直○兒○戲○藐○之○耳○仕○鎮○曰○我○聞○此○人○似○可○畏○林○承○
曰○雖○極○可○畏○初○至○茫○然○無○知○也○乘○未○知○而○一○出○爲○邑○
人○所○觀○瞻○以○後○卽○裹○足○不○前○人○不○敢○以○抗○拒○目○我○仕○
鎮○曰○然○卽○令○人○操○舟○詣○縣○林○承○又○佯○以○他○事○辭○去○仕○
鎮○入○邑○則○林○光○等○笑○語○迎○之○行○余○方○坐○堂○上○按○十○三○
都○約○保○名○籍○吏○唱○馬○鳴○山○不○到○余○不○答○有○頃○問○今○日○
不○到○者○幾○人○吏○曰○十○一○人○余○佯○怒○曰○無○禮○哉○此○不○到○
者○皆○賊○也○當○捕○治○遙○見○林○光○拊○一○人○背○若○趣○之○前○者○

其人尚瞻顧猶豫林光蹠下代稟曰馬監生到仕鎮

不得已而前余曰汝監生馬鳴山乎仕鎮曰然也余

曰善汝少待有言相商命林光欸之須臾堂事畢有

報齏司渡江者將出迎乃置仕鎮于獄及暮自郭旋

吏賁府檄請審陳開發盜案鞫訊之方東昇言之歷

歷胡其暢亦不置辯惟仕鎮昂首簧論不肯一實言

余怒將刑之仕鎮曰監生也余曰汝三十餘年老賊

拒捕久害人多今日天使汝遇我是天欲亡汝也汝

尚不覺悟乎我今訊賊不訊監生治盜賊而不加刑

天地間無是理矣。仕鎮猶不服命。拷其足三十。箠仆。
諸地曰。汝不實言。吾今斃汝。仕鎮度不免。始將行竊。

嚇得妙

辣手

陳開發情形。及方東昇盤獲。始未直言不諱。且云勾
引行竊者。爲姚阿馥。林阿順。同黨往竊者。爲胡其暢。
馬阿一。黃阿尾。劉阿信。蔡阿乙等。與胡其暢供詞。絲
毫不差。問平日竊劫幾何家。仕鎮曰。難以記憶。但被
害無一人敢告我。則是無其事也。余曰。汝積威至此。
極乎。今卽無一人敢告汝。汝亦未必有生理。因遣役
分緝諸黨類。而仕鎮之羽翼已星夜飛報其家。馬氏

刀健

老實

蛇○無○頭○不○行○自○然○四○散○

族人○恐○大○兵○且○至○乘○夜○遣○樓○中○羣○賊○四○散○逃○生○急○離○

走○得○快○

潮○陽○盡○歸○海○揭○饒○平○入○深○山○以○去○黎○明○捕○役○至○無○所○

得○惟○馬○阿○一○被○獲○與○姚○阿○馥○林○阿○順○等○質○供○皆○如○馬○

仕○鎮○胡○其○暢○所○言○余○乃○將○羣○盜○錮○獄○詳○報○列○憲○請○咨○

六○都○之○人○早○已○膽○碎○

部○革○去○監○生○以○憑○盡○法○研○訊○而○貴○山○峽○山○洋○烏○滅○水○

黃○隴○舉○練○之○人○尚○恐○仕○鎮○不○得○死○出○為○反○害○而○仕○鎮○

積○威○所○劫○

妻○子○及○馬○氏○族○人○沿○鄉○索○助○食○費○莫○敢○不○潛○輸○之○且○

亦○莫○敢○出○一○言○余○道○經○貴○嶺○喚○田○閒○老○人○問○之○皆○云○

如○此○光○景○可○估○活○乎○

仕○鎮○一○日○不○死○鄉○民○一○日○畏○懼○即○暗○受○科○派○亦○不○敢○

一開口也。余恚甚，欲重創之。終以監生未革，不得加嚴刑。復筆其足數十，而上官文移駁詰上下往返。經一年，又逾兩月，仍未咨革。監生而余以奉叅離任，其網漏吞舟，與否則俟後之君子矣。吾友曠魯之恨余，不將馬仕鎮撲殺而拘牽文義效俗吏之所為受人○速○也。掣肘空勞筆墨，若使巨奸逸罰，則貴山都百里內外，遭其殃害，無有已時。不知誰之過也。余亦悔之。○此○論○不○差○然○在○今○君○亦○不○料○其○去○之○

馬仕鎮乃有名巨賊族，大黨多負嵎悍，驚即靡護符亦難獲。治況名器在身，而上官衙役皆為交好。

無怪乎十任三十四年之末如何也令君得手在
未到任之先卽行佈置此時疑畏未開迅雷不及
掩耳如縛雞豚毫不費力所謂兵貴神速將以謀
勝者闔邑人民歡聲動地不但貴峽洋泅之閒夜
戶不閉卽隣邦盜賊莫不相戒遠遁文武寅僚咸
爲手額督拘司道盡皆稱能亦一時快事也惜監
生未能驟革文移上下往返經年僅僅羈縻獄中
弗獲按法懲治可見百足不僵而邑令掣肘之難
然賊惡貫盈新任者亦豈忍俾漏網哉

尺五棍

有杜宗城者以狂病失水來報云其妾郭氏名阿貴染時疫病熱昏狂于此六月初十日墜入魚池人莫知踪跡也翼日屍浮水面始覺淹沒甚爲悼惜鄉長杜若淮稟亦如之詰朝詣驗據宗城稱郭氏乃海陽人年二十四矣娶來一載未有男女亦無外家親人往來問嫡妻在否曰林氏年三十八生二子二女子阿遵阿賢皆十餘歲幼女方在抱長女阿端年四五歲郭氏因病入水並無毆傷威逼諸事鄉長杜若淮

左右隣杜立衛杜宗炯同居親弟杜意梅皆言不知。
何時落水並未聞有鬪毆情事余命伴作薛順偕宗
城先往相視當場唱報以憑親驗呼其子女皆至遍
觀之阿遵稍長不問問阿賢不以實告余屏諸人去。
名穉女阿端至座側細詢之阿端初不言阿之再三。
尚以無人毆打爲對余曰阿端欺我我已知問貴爲。
汝母捶死但欲問汝事因耳阿貴因何事得罪汝母。
汝母因何事捶打阿貴汝不實言割汝舌矣拔小刀。
置案上阿端恐不敢對余曰無恐止言阿貴何事見。

毆○便○釋○汝○阿○端○乃○言○曰○偷○糖○耳○此○初○九○日○吾○母○糖○藏○
瓮○中○不○見○怒○阿○貴○偷○竊○故○打○之○及○父○回○家○吾○母○又○言○
父○亦○以○扇○撲○之○兩○下○是○晚○阿○貴○不○睡○坐○至○半○夜○次○晨○
不○見○造○飯○始○追○尋○則○無○矣○問○汝○母○用○何○物○毆○之○曰○木○
棍○也○有○尺○半○長○余○曰○棍○今○安○在○阿○端○曰○在○吾○母○房○門○
後○余○曰○汝○往○取○來○阿○端○曰○諾○是○時○余○低○聲○密○訊○阿○端○
亦○低○聲○應○答○杜○姓○莫○有○知○防○備○者○命○差○役○鄭○可○鄭○應○
等○抱○阿○端○直○入○其○家○卽○于○林○氏○門○後○將○小○木○棍○携○出○
宗○城○母○急○趨○欲○奪○之○去○已○無○及○余○視○其○木○棍○果○止○尺○

假○打○亦○趣○

詳○細○

迅○速○

密○得○妙○

迅○雷○不○及○掩○耳○

五。封。之。以。屬。吏。驗。郭。氏。屍。傷。兩。頰。皆。遭。兇。拳。手。足。被。棍。者。四。處。額。角。磕。損。口。鼻。指。甲。泥。沙。其。爲。毆。後。投。水。無。疑。喚。林。氏。訊。之。堅。不。吐。實。余。以。尺。五。棍。示。之。曰。證。據。在。此。雖。欺。何。爲。林。氏。猶。飾。說。冀。掩。蓋。余。曰。兇。棍。起。出。傷。仗。相。符。汝。事。因。吾。已。盡。悉。卽。喙。長。三。尺。亦。無。用。此。是。實。情。林。氏。不。敢。信。者。太。聰。明。弄。巧。反。拙。也。但。婢。妾。偷。糖。有。干。家。法。汝。爲。主。母。扑。督。教。誨。亦。是。分。所。當。然。且。傷。非。致。命。投。河。是。實。汝。直。言。無。諱。吾。卽。爲。汝。斷。結。省。汝。拖。累。不。亦。善。乎。林。氏。左。支。右。吾。不。以。實。告。余。曰。汝。以。我。爲。欺。乎。妻。但。毆。妾。律。無。威。逼。之。條。

汝一實言便可結案。林氏總以罔毆爲辭。余曰：「既非汝毆，則此案不得結矣。」傷痕昭彰，伊誰抵賴？林氏曰：「太巧可恨池中撞損耳。」余曰：「此婦太巧，屍上七傷，豈汝三寸長舌所能一盡掩蓋？」他日郭氏親人來告命案，牽連林杜兩家兇手，加功無所底止。果有別人毆傷汝等累方大也。林氏故不承，因將案內諸人帶至縣堂覆訊。臨行謂其家曰：「林氏妬悍殺妾，罪甚重大。今阿端言是偷糖，則事可開釋。但林氏不肯招承，是以未得結案耳。阿端爲一家恩人，我今交汝等善待之，併着左。」

○右○隣○家○看○守○保○護○如○有○一○人○敢○楚○撻○阿○端○或○阿○端○偶○
○有○他○故○我○必○將○本○家○併○兩○隣○一○同○究○治○汝○等○慎○之○越○
○翼○日○既○望○再○行○廷○鞫○宗○城○自○認○扇○擊○二○傷○余○笑○曰○扇○
○焉○能○有○傷○汝○且○言○拳○棍○六○傷○者○誰○也○宗○城○無○以○應○呼○
○林○氏○訊○之○林○氏○猶○不○承○余○曰○汝○但○言○是○何○人○毆○傷○則○
○釋○汝○矣○林○氏○利○口○亂○辯○固○言○無○傷○余○曰○此○婦○悍○惡○極○
○矣○命○刑○之○林○神○色○不○變○拶○其○指○不○承○拷○之○二○十○亦○不○
○承○余○笑○曰○鬼○也○汝○首○實○則○無○罪○我○前○言○已○盡○矣○汝○必○
○欲○固○執○無○傷○彼○死○者○安○肯○瞑○目○且○我○已○細○加○親○驗○比○

對傷痕。兇仗處處相符。汝尚欲賣弄口給。自招刑罰。
此乃郭氏冤魂在旁教導。不使妬婦漏網。我觀汝十。
指。甚是不善。兇氣逼人。非得一番痛楚。無以懲世。閒。
于。怒。罵。快。暢。之。極。
獅吼之輩。善夫善夫。宗城乃謂妻曰。事已難欺。實言。
可也。鄉長左右。隣杜若淮。杜立衛。杜宗烟等。皆勸之。
曰。娘子舉頭三尺有神明。恐不由人。抵賴。汝自作自。
當。不必妄思。諉卸。徒自苦也。於是林氏乃據實直言。
因郭氏偷糖四五斤。我怒以掌連批其左右頰。郭氏。
猶強辯。乃以木棍擊其左手。右臀。兩脚腕。彼是夜何。

時下水。我實不知。翼日見屍浮出。我亦悔之。余曰。汝
棍卽此乎。曰然也。然則何爲不實言。曰畏罪不敢也。
再問宗城及鄉隣。果非因別故。無別人毆打乎。皆曰。
並無別人毆打。林氏所言是實。余曰。噫。鄙語云。早知
燈是火。飯熟已多時。其林氏之謂乎。汝但勿爲欺何。
須刑罰。因妻毆妾。無威逼之條。故郭氏不肯甘心。使
汝十指受累。今亦足矣。斷令杜宗城將郭氏厚葬。仍
罰米十石。用作囚糧。以爲呈首不實者之戒。後四越
月。而宗城仇家。且謀出一郭汝贊者。來告杜宗城姦。

殺移屍將杜立衛等八九人一網誣陷。見案卷明晰。不得遂需索之願。反逃云不敢與宗城對質。宗城夫婦乃喜懼交集也。

林氏之毆郭一半爲糖亦一半爲醋。郭氏之短見半爲目前亦半爲平日。故林氏一槩斷斷乎不可少也得法在密問女孩哄出尺五兒棍箇中情事了。然矣林氏弄巧成拙乃是天理昭彰處。倘聽其一直招承皮毛不損不特郭氏不能甘心旁觀者亦未免有不平氣也。毋枉毋縱極妙極妙。

万沙集卷一

早

林軍師

竹○山○都○華○陽○下○壟○之○閒○皆○濱○海○海○田○交○錯○爲○下○文○西北平原沃衍一望
欠○租○橫○抽○張○本○良田東南汪洋千頃民之居其鄉者耕漁半焉潮地
三年荒歉余下車斗米三百錢地產番薯可代穀一
斤鬻錢十二佃戶抗租踵相接也幸迓天休風雨以
時歲登大有斗米僅錢四十薯十斤方獲四文萬井
盈寧民生和樂川澤獻瑞前溪生白蛤後溪產蜆苗
政○能○感○召○天○和○也○皆數十年來未有之異小舟千百朝集暮歸水面誼
囂如同海市則有勢家大豪或出壟斷藉稱祖業霸

踞泊以余方厲禁之不許與小民爭利而恐其未盡
為誣指橫抽伏案
絕也一日有下壟民吳云鳳呈監生鄭之鳳鄭之秀
霸佔官溪凡小艇捕蠮者日納鄭氏錢三十文名曰
花紅云鳳因七月十八日納錢稍緩鄭之秀率僮僕
冒阿重等十餘人擊碎小艇仍擒云鳳至倉私刑甚
屬非理謹抄粘督憲嚴禁紳衿勢豪冒稱海主告示
上呈伏乞按律申究而吳阿萬吳兆華吳兆備吳云
潮等各有所呈詞合口齊聲余思鄭為潮陽巨族之秀
兄弟監生霸溪專利情似可信況其毀舟鬪毆必非

全無根據者也。飛差攝訊，則鄭之鳳先。于是月十八日來稟吳阿萬等抗租恣橫殺傷田主。鄭之秀搶剝衣服銀錢，經檄發馮尉驗訊，裂顱破鼻，重傷種種。而吳家抗不到案，且分遣親人往督撫藩臬道府各轅門告鄭氏霸海橫抽，余思欠租角口亦屬細故，果如鄭稟所云吳家何以疾痛迫切兩日之間多人上省，遍呼制撫各當道，又似有大冤大苦不能頃刻緩者也。集兩造于庭鞫訊之，則抗租逐毆是實，橫抽毀船全屬子虛。余曰噫，異哉鄉保里民皆畏鄭氏至此乎。

約長林青雲保正盧紹先鄉長邱開發里民曾朝等
皆指天誓日代爲鄭氏稱冤且言八鄉人民並無聽
見鄭家有霸佔溪海之事如鄭之鳳鄭之秀果係橫
抽毀船伊等皆願代鄭坐罪余謂吳云鳳曰汝等連
年歉收今歲初登大有數載積逋安能盡償卽有挂
此段設身處地通着心窩所以吳姓肯說
欠田租亦屬尋常之事田主不以情相卹刻意取盈
實情亦由軍師失檢點不智料及此處也
已非主佃休戚相關之誼而鄭生生長巨族強橫成
風汝等不能甘受或有拒之過當此事甚小汝何必
掩諱實情妄加以霸海橫抽之大罪若使上司允行

必將直窮到底。水落石出。自罹誣誑。反坐此訟。師悞
汝也。云鳳曰。誠如明鏡。因吳阿萬。吳云潮。吳永祥等
有欠舊租數石。田主至家迫取。甚爲暴戾。阿萬令我
等羣詈逐之。追至下地鄉。田主傾跌仆地。我揮拳傷
其口鼻。永祥執木棍擊其頭顱。當爲邱開發。曾朝等
勸解。各自散去。問同追毆者幾人。曰。吳阿萬。吳阿千。
吳永祥。吳阿添。吳云萬。吳阿桐。吳阿樂。吳阿二。吳阿
鳳。與我共十人耳。問搶銀四兩七錢者誰也。曰。阿添。
云萬也。我與永祥亦分而用之。問搶衣服被帳者誰。

也。曰。衆人皆有之。再訊吳阿萬云。萬阿添永祥等諸
人皆無異詞。余曰。噫。實情得矣。但霸溪橫抽之妙計。
往省遍控之高手。決非汝等所及。汝訟師是何姓名。
以實言告我。則已。不然。將來夾汝矣。云。鳳曰。林軍師也。
問林軍師何人。云。鳳阿萬皆曰。林軍師乃善爲詞狀。
者。當今第一利害有名之人。邑內外誰不知之。余曰。
我不知也。汝且言其名字。住宅。皆曰。監生林燭壁也。
家在東門內。離此不遠。因遣役飛拘林燭壁。併密諭
差人鄭嵩林州。將其案頭字楮。不論真草鉅細。俱取

以○來○復○問○吳○云○鳳○曰○汝○等○何○以○識○林○軍○師○曰○吾○叔○有
壻○蕭○見○老○邑○內○監○生○也○引○我○見○之○問○何○以○爲○謝○曰○先
送○贄○儀○三○兩○五○錢○許○事○畢○之○後○謝○金○十○二○兩○軍○師○言
此○罪○甚○大○萬○不○可○以○訴○免○我○有○奇○計○竟○置○欠○租○勿○道
○惜○逢○看○對○頭○耳○
反○控○田○主○霸○佔○官○溪○橫○抽○虐○民○一○面○遣○人○赴○郡○赴○省
遍○控○上○司○以○壯○聲○勢○縣○官○聞○控○列○憲○自○然○不○敢○拘○審
他○日○奉○憲○准○行○則○我○爲○原○告○勢○居○上○風○使○其○不○准○亦
已○遷○延○月○日○欠○租○細○故○時○過○事○灰○此○萬○全○之○策○也○言
○寫○出○綸○巾○羽○扇○不○象○
未○畢○林○烟○壁○銀○頂○衣○冠○搖○曳○而○至○言○監○生○無○罪○見○名

何為余曰側聞軍師大名欲一求教烟壁曰監生

嘗有事也鄭之秀曰假監耳冒頂死名林廷被

發提問追劄報改禮房有案可查余曰真軍師不論

是否假監汝止言吳家事如何烟壁曰我從不識吳

家何人云鳳曰軍師不必推托今奇計弗行矣烟壁

日推尊之者衆也

故不承曰我實不知汝等何事云鳳阿萬皆曰此事

實軍師所為我等鄉愚無知惟軍師之命是聽

即令我先送贄儀我則三兩五錢恭敬奉之軍師令

我事畢之後謝金一十二兩我則謹凜識之今霸海

橫抽之計不行。軍師當別有奇策。不可使衆人受累。
烟壁猶不承。而差役鄭崗林州。以所獲林烟壁案頭。
狀稿呈上。披閱之下。則吳云鳳等詞。皆在焉。併有爲。

積惡多矣

蕭姚林趙數姓。舞弄刀筆。及代人上省。告訴之稿。又

可畏

開列各當事欸單。積成卷軸。余亦與焉。令林烟壁一

一視之。皆點首無辭。惟欸單不認。言諸人悉係親戚。

是以代勞。豈敢妄捏欸單。且非長作詞狀者。亦無得

財。惟吳家三兩五錢。是實。余曰。欸單亦無礙。止不宜

從容鎮靜足見力量苦遇他人一夾棍

懸空造作。汝且試條條議論。有則改之。無則加勉。我

西。十。板。結。果。了。

周。沙。公。卷。一。

吳。大。

不敢自怙過也。烟壁叩頭力辯。余曰：姑置之。但汝軍師之稱，始于何時？是汝自加此號，以招徠訟客，抑衆人推尊之也？烟壁曰：衆人猶以爲榮是如此說。犯生原不敢受。鄭之秀曰：彼公然受之。今在大庭之上，吳姓呼出許多軍師，彼並不辭。余曰：林車師情罪重大，非此案所可完結。先將吳云鳳、吳阿萬、吳阿添、吳永祥、吳云萬各杖三十，追出所搶贓銀、衣服、被帳及原逋租穀，給還田主。仍枷號兩月，示衆。羈林車師于獄，俟究明白。亦可不攬別案詞訟，贓銀確數，按律盡法創懲，以快一邑人。

心永垂鑒戒爲移風易俗之一助而余適因公奉檄
赴省院司列憲並擬薦調番禺以首邑事繁廢弛已
久留我卽日在番視事余回辭不可至于臘月乃歸
而不知西穀獲戾遭意外不測之變奉叅去位林軍
師遂揚揚出獄以爲從今莫敢侮予也

軍師殆有天命

林軍師設想原奇手段原非小可以此爭訟何往
不勝所謂當今第一利害有名之人非阿好也惜
不幸遇此令君遂覺計謀盡破當時假監案現狀
稿畢呈欵單露出卽令軍師自擬亦未敢有生還

之望不謂令君大度汪洋偏以從容鎮靜處之其實從容鎮靜乃是漏網之由至今士民論者追咎令君之不登時撲殺爲棉疆除一大害令君當亦無以自解也豈天生惡人亦有定數軍師之不亡尚有欲遭其手者歟此亦聽之

山門城

潮邑上風素梗逋租抗糧負嶠拒捕相沿成習恬不知非而洋烏減水等都尤其甚者余涖潮法在必行雖僻遠頑抗極惡難問之鄉不盡獲行法不止如貴山都之麒麟埔徑子鄉減水都之果隴交南寨皆動入衆捕禽之元兇劇賊累累就俘然後奸匪廓清令行而罔敢犯不謂洋烏一都尚有悍然抗法如山門城趙姓者趙氏聚族千丁衣冠之士濟濟數十左右鄉村推巨擘焉排戶趙麟趙伯趙鎬自康熙六十一

年以來。至雍正六年。積欠正供糧銀一百六十九兩。米六十八石有奇。畝差劉科。張利。劉德。催之不應。無可如何。二月。稟請添差。以陳科。林會。鄭應。協同拘此。亦無如何。三月六日。陳科諸人。偕保正周理等。拘獲戶丁趙德。迎一名。有監生趙佳璧者。聞之大怒。以爲失世族體。攘臂奮呼。趙德。漢。趙德。鸞。趙阿雄等。二十人。制梃追之。擊劉科頭。破裂。奪取趙德。迎。以去。陳科。周理等。末如之何。則又稟請添差。復以趙金。趙靜。偕附近保正陳儀。周福。劉之嚴。陳淑祿。方東昇。周

象華等協拘緝獲趙佳璧趙德鸞二名。又有趙阿武攘臂奮呼趙德漢趙阿狀趙阿俊趙德風趙阿維等三四十人追至叢毆周理被傷破額血湧如泉諸保正大敗逃歸差役皆負傷奔竄佳璧德鸞又被奪回以去再稟拒捕毆差驗傷累累余猶未忍卽通詳律究也一面申知郡太守胡公一面移檄潮陽營撥遣弁兵偕縣尉馮君灝親詣其地會同拏究臨行囑曰佳璧等雖身廁衣冠畢竟鄉愚寡識從前過惡我不深求但肯悔罪來歸率其二三頑戶將積逋糧米急

仁○厚○之○氣○溢○于○行○間○

寬○大○

公○納○完○我○則○仍○善○視○之○差○役○生○事○亦○不○可○知○總○以○此○
行○糧○米○完○欠○定○其○良○匪○順○逆○倘○二○三○頑○戶○懼○罪○不○敢○
造○邑○則○令○佳○璧○代○贖○以○來○統○爲○輸○納○國○賦○既○完○卽○爲○
良○善○我○又○以○此○行○佳○璧○來○否○定○其○良○匪○順○逆○也○馮○尉○
曰○明○公○仁○慈○至○此○敢○不○體○諒○然○則○弁○兵○且○遲○之○先○以○
單○騎○勸○諭○傳○茲○德○意○可○乎○余○曰○善○馮○尉○至○鄉○監○生○趙○
佳○璧○趙○稱○侯○武○生○趙○宣○侯○趙○廷○佐○等○濟○濟○皆○在○與○之○
言○輸○將○稱○從○前○無○此○急○迫○我○等○自○祖○宗○以○來○何○曾○一○
歲○完○清○積○十○數○年○率○皆○逢○赦○未○聞○縣○令○衙○役○敢○如○

蠻人○說○蠻○語

此○亦○賢○

此拏辱斯文。我等且欲控告上司。提彼衙蠹。尚望我
納糧哉。馮尉曰。糧米乃朝廷正供。非縣令私爲已。
有五營軍士待茲給發糧餉。刻不可緩。非故爲急迫。
也。佳璧等言。前官俱緩。何獨於今不可。我等亦待新
官。至始完納耳。尉再以好言勸之。不聽。以禍患惕之。
亦不聽。邀佳璧一人與偕入邑。不聽請輸完少許。以
示急公。未能非有抗拒之意。亦不聽。馮尉不得已。旋
歸。越數日。以兵同往。佳璧等傳呼閉門。遂將寨門緊
閉。明示抗拒。馮尉躬至門前。理論再三。佳璧等若爲

弗聞也者。寨內刀鎗林立。鋒鋌閃閃。露出牆頭上。高聲言曰。我等抗糧細故。毆差奪犯。是實任汝通詳。千萬楮寨門。總是不開。誰敢環攻而入。與我等決一死戰乎。馮尉見其頑兇已甚。無悔罪畏法之心。亦無如何。據情詳報。余曰。噫。野哉。天下有如此生監乎。再不申禠。不可得也。因備叙前後情由。通詳列憲。學使顧公將趙宣侯趙廷佐。禠革武生。其監生趙佳璧等。候會咨斥革。懲治督撫藩臬。俱嚴檄飭拘。照依發遣。黑龍江事例。佳璧等尚不以爲意也。日偕寨內人衆鳴。

鼓○列○陣○執○戈○揚○盾○以○示○必○欲○拒○敵○官○兵○敢○于○死○鬪○之○
狀○冀○縣○令○聞○而○中○止○也○余○曰○噫○如○是○益○不○可○中○止○矣○
傳○令○保○正○劉○之○嚴○等○十○一○人○各○率○鄉○兵○先○驅○示○意○仍○
奮○筆○書○硃○爲○檄○諭○曰○嗟○汝○山○門○城○士○民○無○罪○無○辜○必○
欲○平○空○造○孽○犯○極○惡○不○赦○之○條○可○不○爲○大○哀○乎○普○天○
之○下○莫○非○王○土○有○田○有○賦○乃○古○今○不○易○之○常○汝○等○奄○
有○田○園○歲○享○租○粒○名○下○應○完○糧○米○欲○令○何○人○代○爲○輸○
將○姑○試○爲○我○言○之○天○下○王○侯○卿○相○以○至○大○小○官○吏○無○
敢○一○人○逋○負○維○正○之○供○獨○汝○趙○氏○山○門○城○偏○同○化○外○

國計兵精之謂何。可以任汝頑抗哉。屢催屢梗。未見輸納毫釐。毆差奪犯。至再至三。本縣矜其愚懵。未忍通詳律究。特委縣尉親臨勸諭。仍敢冥頑弗率。如毛角之不可與言。及尉以兵同往。復敢閉門不納。挾持鎗械。口出不遜之言。如同叛逆之舉。按律定罪。死有餘辜。本縣雖欲隱忍姑息。而有所不能矣。然雖通詳之後。猶望悔過來歸。但將糧米納完。亦可網開一面。不謂汝等兇頑愈肆。全無悔禍之心。日日鳴鼓列陣。執戈揚盾。意欲何爲。果敢敵殺官兵。公然自居叛逆。

乎。揣汝等訟師之計。不過欲以激變鄉民爲叛之名。加之本縣。冀本縣怯懦中止。試思本縣何事可以激變汝民。不過催納糧米耳。催征乃本縣之職。向來耗羨則減其半。棍蠹包收則拏行法。無一毫虧損汝民。汝等何所藉口。以至變叛。況叛之一字。凡屬人類所不忍言。汝等身爲朝廷赤子。敢于抗糧拒捕挾制縣官。自居爲叛。而不辭本縣宰制一方。不能定茲叛亂。何以上報。朝廷惟有檄發營兵。號召鄉壯一舉撲滅已耳。汝等自度强悍孰與臺灣土寇。當年逆賊

叛人榜樣

不得不然

說到此字便不

朱一貴倡亂。奄有臺郡地方千餘里。賊黨三十萬。然
國家不費一糧。未折一矢。七日之間。誅鋤淨盡。況汝
斗大山門城老弱丁口不滿一千。即使擊鼓陣戈。亦
等嬰兒作戲。何足當本縣勦擒乎。本縣不過欲汝完
糧。原非有所苛求於汝。汝等捨命抗糧。誠不知是何
意見。豈本縣差役需索生事。汝等有所不甘。則此半
年之久。何不一來控告。及今陳稟。尚亦未遲。本縣斷
不庇護衙役。以辜汝等士民之望。汝士民以本縣爲
父母。本縣視汝士民爲子。衙役奔走僕隸。孰與父子。
至情至理

之親此理甚明汝等何所畏憚而不試向本縣一言
耶豈以本縣鄰邑代庖不過五日京兆真無如汝頑
抗何哉本縣一日未去一日法在必行矧此有傷
國體之事萬不敢因循姑縱即使新令下車亦必視
叛逆如仇無養成抗拒爲他鄉效尤之理況新令至
今尚無影響欲使本縣縱容叛逆再遲一年半載以
俟新令勢亦有所不能今遣峽山黃壘附近洋烏各
保正劉之嚴王振澤陳儀周理周福周象華劉振山
楊光玉陳淑祿連仁方東昇等共率鄉兵三百人以

九月六日會于山門城下環而守之不許寨內一人
逃出他村樵蘇行汲俱縛以來汝寨中有循理守法
之生監已經完糧之良戶當念崑岡炎火不免玉石
俱焚急須會同密議各保身家將爲首頑梗之趙佳
璧等一二十人偕衆擒縛送出寨外交各保正解赴
本縣追糧審擬庶幾汝等善良得以免於禍難倘遲
至三日不出則縣尉營員大衆至矣本縣已經移營
再委大弁多帶兵丁縣尉統領三班人役丁壯二三
百人前往圍搜擒捕保正鄉兵奮勇先登不知汝等

何○以○待○之○汝○等○敢○出○拒○敵○直○令○官○兵○鄉○壯○徑○行○誅○殺○
本○縣○援○引○罪○人○拒○捕○格○殺○勿○論○之○條○以○隨○其○後○汝○等○
肝○腦○塗○地○如○雞○豚○狗○彘○之○不○若○耳○倘○汝○等○殺○一○兵○役○
則○以○叛○逆○定○罪○竿○首○藁○街○禍○及○妻○子○汝○等○早○夜○以○思○
其○可○抗○拒○否○耶○若○汝○止○以○閉○寨○不○出○爲○高○謂○可○負○隅○
久○延○則○本○縣○傳○令○約○保○喚○出○力○作○農○民○以○鐵○鋤○三○百○
掘○倒○寨○牆○去○汝○保○障○然○後○沿○門○搜○捉○以○次○擒○縛○汝○等○
復○能○飛○出○九○霄○雲○外○乎○本○縣○念○汝○寨○內○無○辜○之○人○何○
苦○以○奉○公○守○法○之○身○家○爲○十○數○兇○徒○波○累○敗○滅○故○不○
○實○可○思○反○
○止○言○切○論○不○得○不○聽○
○此○策○亦○

忍不諄諄告誡汝等能聽與否則關係汝祖宗積累
殃慶門戶興衰非本縣所能代謀也三日不決乃汝
自誤尚慎旃哉檄諭到鄉之後各保正扼守隘口聲
言縣尉營弁大衆且至趙姓有識者皆懼累密爲縛
獻之謀於是佳璧等知不能免乃偕趙宣侯趙廷佐
趙阿武趙德望趙德漢德鸞德迎德風阿狀阿俊阿
飯阿雄阿維阿福光茂光慶等十七人詣縣余曰噫
汝等旣來吾亦不忍杖殺也昇平世界焉有顛倒謬
戾之人如汝等所爲哉吾恨不早縛汝曹盡屍諸市

所以姑容至今慮汝有冤情耳今日有冤宜卽伸說
併所以抗拒之故一一爲我言之趙佳璧等皆叩首
曰我等實無冤情亦不敢抗拒止鄉愚無知積習固
然其初視若兒戲其後畏罪日深莫敢嚮迺是以遷
延自悞至于此極今已知罪當死但悔不可追望垂
寬恩畱一生路余曰汝等罪名大矣酷虐吹求我不
忍寬宥廢法我亦不能今姑暫置之獄俟將積逋糧
米補納全完方行審擬可乎未幾余因公赴省冬臘
始回遭意外解組趙佳璧等延至明年三四月積逋

月沙縣志

卷十

始清署令從寬審擬枷號一本寬一二人餘皆薄責佳璧量
罰贖不○易○免革監生制府孔公以佳璧罪魁至○當○戎首不可
不褫革儆衆他皆如所議焉

鄉蠻抗法弄假成真由向來水弱狎而玩之故也
法在必行民自不犯中閒諭檄乃一團惻隱之心
而字裏行閒却有無數甲兵風雷雖大敵亦當束
手況二三冥頑乎執法嚴而用法寬想見仁人君
子氣色

猪血有靈

舉練都草湖鄉有訟師陳興泰焉窮兇極惡終日唆
訟爲生常創詭名架虛詞赴道府控告素不相善之
家或指海洋大盜或稱強寇劫掠上司提解羈繫牢
獄久之以無原告對質釋寧行銷其人已皆磨累破
家不堪復問矣而教唆命案代告包訴平地興無風
之波尤興泰長技也鄉有蔡阿竈阿辰阿完阿尾兄
弟四人無妻無室共宿神廟日或登山刈草換米度
活倘遇天時陰雨則盜採園薯沿門丐食皆爲常事

一日阿竈以瓦罐代鍋烹薯爲食火烈爆震罐破竈兩足被湯沃爛不能出門丐食饑寒抱病而死興泰聞之喜甚以爲奇貨可居也呼阿辰阿完阿尾至其家啗以粥食謂之曰汝三人貧困兄死無所殮吾甚憐之今有奇策可得美棺衾且弟兄皆免困窮不愁乏食三人請其故教以移屍陳興觀家中則財可入手三人猶豫未決興泰復以白米六升給之皆歡喜過望共舁兄屍造陳興觀門首賴之興觀大驚呼天叫地投明蔡姓房族蔡立興蔡立暢蔡廷爵及陳姓

族人陳孟皆陳孟發等齊集屍所共斥其非阿辰阿
完亦知理屈羞慚無地遂將興泰所給之米轉給陳
廷鳳陳曰功托其昇屍瘞埋興泰大失所望然此心
愈不能已矣復將蔡阿尾誘養在家希圖索詐代寫
狀詞以打死抑埋來告云興覲買屋僥價恨索遣男
陳阿添將阿竈活活打死佈賂族惡蔡光輔蔡滋茂
縛尾弟兄拘禁令陳曰功陳廷鳳抬屍強埋保正鄭
悅可據余心疑之時臘月十八日也而陳興覲已先
一日以藉死移賴埋後詐嚇來稟經准票差拘訊合

觀兩詞似命案全屬子虛但細心未訊明不敢臆度飭差
一併拘審俟開印之日詳請起屍檢驗正月初旬余
因公赴省蔡阿尾復控于郡請飭隣縣檢驗陳興觀
亦往郡控族人陳孟皆陳孟發等皆不平公憤赴府
僉呈蒙檄發縣審理陳興泰恨甚竟率其叔兄弟姪
陳曰壽陳阿和併拳師張福等多人執械直擁陳孟
發家中將陳孟發陳紹贊擒曳痛打頂門腮頰臀足
皆重傷而孟發左臂棍傷尤重至骨爲之折衣服酒
瓶等類盡皆搶奪不復知其爲三代叔祖也復駕船

伏械截陳興觀于和平橋剝衣叢毆奪去銅錢一千
五十文及魚肉雜物興觀赤身奔逃愬于保正馬孟
端及孟端追至則船已搖去江心矣余省旋飭差拘
訊興泰又似有所憚不欲赴審止令其母吳氏混稟
陳紹贊圍坵抄家衣服搶訖冀掩其統衆毆奪之罪
潛踪抗延直至五月初六日始拘到案庭訊之下蔡
阿尾仍執前說不肯吐實呼蔡阿辰蔡阿完來前以
天理良心聳動之則並稱伊兄阿竈委係病死廟中
遂將興泰給米移屍圖賴併誘養阿尾在家始末實

情絲毫不諱。余曰：直哉！汝二人。大有良心。當不至餓死也。興泰利口強辯。堅供並無養藏阿尾。其阿辰阿完。乃係興觀誘養在家者。興觀叩頭力爭。余曰：噫。此易辨耳。阿辰阿完。面有菜色。半青半黃。純是餓殍之氣。其乏人養贍。無疑。阿尾與辰完同胞。同無家室。同宿廟中。乞食。何其面獨有紅白之色。竟似數月飽食。不饑不寒。其被興泰誘養在家。又無疑也。阿辰又言：半年不見阿尾之面。今在興泰家中出審。非養藏而何。於是蔡阿尾知不可欺。亦遂將興泰教唆窩養。

情由及圖賴嚇詐深心直供不諱且言與泰曾騙過
陳紹浩錢三千文保正鄭悅分去二百問與泰與觀
有何深仇阿尾曰無之因我父有地基鬻與與觀多
年與泰向我重買與觀不肯讓是以恨之然意在圖
賴得財亦不關恨不恨也問陳曰功陳廷鳳皆言得
阿辰等米六升代理阿竈屍是實問蔡滋茂蔡光輔
蔡立興干証林可興保正馬孟端及陳孟皆鄭奕可
等二十餘人皆言陳興泰傷天害理平空架禍唆訟
殃民不容于堯舜之世宜正法以靖地方陳興泰亦

俯首服罪。不待動刑。將唆囑阿辰阿完移屍圖賴。及誘畱阿尾寫狀代告。併毆搶陳孟發衣服酒瓶打傷孟發折臂。截毆興覲于和平橋。奪其布衣二件。及索詐陳紹浩三千錢。皆直認不辭。余曰。噫。訟師之惡至此極矣。命曳下責之四十。差役押令起出。原贓律擬招解。而與泰竟爾潛逃。又以賊劫縣諱等事用血書呈奔控道憲。蒙批海陽縣查審。與泰揚揚得志。日在道轅游衍。不復歸來。余以命案不敢遲滯。嚴比原差周瑞添差蕭岐蔡靜于六月廿一日在郡城西門外

緝獲陳興泰前來追比原贍興泰堅不繳出乃命羈

禁興泰潛使其父陳曰貴往海陽縣稟關移提又連

赴道轅喊冤檄行數次余見其刁健非常呼而問之

奇計不竭

曰汝何時爲賊所刼本縣何案諱報汝以賊刼縣諱

誑控道轅其說可得聞與興泰曰陳興觀毆我耳不

老實

以危詞控告則憲必不行弗能脫此罪戾問用血書

亦有道理

呈何也曰不如是不足以明迫切冀憲異而憐我也

亦趣

老實

問血何來汝從偷雞得之乎興泰微笑曰猪血耳是

一舉兩得

日買半斤猪血爲羹以供早膳畱小半杯蘸筆書呈

但○有○人○問○及○則○云○是○刺○指○出○血○總○之○罪○無○所○逃○思○爲○
解○脫○之○計○非○敢○故○多○事○也○余○曰○汝○將○所○搶○原○贓○繳○出○
吾○寬○汝○興○泰○曰○贓○物○係○父○收○藏○我○寄○書○往○取○之○而○陳○
曰○貴○逃○匿○郡○城○不○肯○歸○贓○弗○得○出○會○海○陽○縣○關○差○催○
提○余○以○誣○命○誣○盜○均○關○重○大○應○否○將○陳○興○泰○移○交○海○
陽○縣○質○審○抑○就○原○發○命○案○確○審○妥○擬○從○重○歸○結○詳○請○
批○示○及○至○憲○批○行○縣○確○訊○而○余○已○離○任○矣○向○非○血○呈○
之○功○何○能○文○移○往○返○數○月○掣○肘○遷○延○竟○致○吞○舟○漏○網○
哉○署○令○從○寬○擬○責○荷○校○一○月○而○罷○追○錢○三○千○文○入○官○

餘槩不問陳興泰抵掌笑語以爲猪血有靈也

稂莠不除必害嘉禾陳興泰窮兇極惡合訟師闖
寇鬼蜮爲一身此則田間之螟螣蝥賊難以一日
姑容不但如稂莠已也罪狀旣彰便當一棒打死
與狗子喫胡聽其乞靈猪血竟致遷延網漏哉可
見凡事粘着上司便拖泥帶水不得了局令君平
日決斷不肯輕易通詳蓋有以知受人掣肘之難
也

屈
氏
之
第
一

卷

古柩作孽

潮邑西郊附城村落之側白苔一叢蕭然兩柩焉暴
能為露者不知幾十百年矣忽一旦香火盛行民趨之者
如歸市蓋莫識其所以然也聞之士人云村民陳姓
者有八歲兒迷失不知所之父母遍處尋求則于柩
旁偃卧呼之不應抱之不能起度為兩柩作祟哀告
禱祈兒忽醒而偕行以去設酒牲香楮拜酹鄉民見
之遂以為果有靈也一二好事輩更加文飾謂古柩
能言能知未來休咎能為人斂福消災有求必應由

是爭神事之。或言其姓爲郭氏。遂呼曰郭公郭婆。繼則謂之郭仙公郭仙婆矣。郭仙之名震遠近。城鄉內外。男婦童叟。各以其願。欲禱祈捕魚者。羅雀者。居奇貿易者。婦人求生子者。爲夫求功名財利者。治病者。謀陰私者。擇佳婦佳壻者。爭訟者。繫獄求脫者。圖墳山圖田宅者。賭博求勝者。咸向郭仙公婆而跪祝焉。辦香拍楮。以爲信券。應驗之後。酒牲祭酌。遂有老嫗兩人。爲之掃地焚香。擲筊占夢。日收青蚨數千文。鄰邑愚氓。亦有不遠百十里而至者。每日自辰至酉。男

文飾語則

一幅鄉村媚神圖

子擁擠不絕婦人半老者百十輩撓雜其中自成至
勢所必至
卵婦女擁擠不絕則有年少無賴潛伏城隅奪取簪
珥或竟相嬉戲曖昧不可知於是正人側目共懷憤
懟余自普旋潮諸生蕭策名等撫其事來告有拈香
道旁穢醜桑中之語余曰噫諸君可謂能持正矣士
大夫皆畱心風俗如此何患民生不厚乎潮人好怪
千奇百出林妙貴胡阿秋而後復有媚樞爲妖之人
不可解也枯骨何知百年暴露棄置荒郊茅草之中
眼○前○道○理○無○人○看○破○
風飄雨淋日熱塵離曾不能使其子若孫以一抔土

壤相○加○遺○顧○安○所○得○靈○爽○顯○赫○日○日○登○山○涉○水○周○旋○
人○衆○之○閒○奔○走○公○庭○之○上○爲○汝○民○庶○請○托○鑽○營○以○求○
僥○倖○于○萬○一○人○之○昏○愚○一○至○此○極○不○亦○可○哀○甚○乎○吉○
凶○禍○福○惟○天○所○命○雖○聰○明○正○直○之○鬼○神○尚○不○敢○貪○天○
之○功○以○爲○已○力○何○物○骷○髏○敢○逞○邪○怪○提○三○尺○以○誅○妖○
孽○併○趨○媚○妖○孽○者○亦○不○能○爲○之○寬○宥○也○卽○日○大○張○文○
告○禁○絕○人○踪○號○召○約○保○甲○長○立○查○二○樞○有○無○子○孫○限○
三○日○之○內○速○卽○擇○地○瘞○埋○三○日○不○遵○則○約○保○甲○長○各○
備○束○薪○以○俟○本○縣○親○臨○勘○訊○數○其○藉○叢○作○孽○惑○世○誣○

罪○不○勝○誅○

民敗壞風俗之罪將二樞各鞭一百烈火焚之投其
為快暢灰于練江中流為邑民除一妖害可也其子孫在南
關外以屐齒為生涯聞之驚懼連夜移葬自是妖風
逐息

潮人大有仙癖活仙既除死仙復熾臭朽骷髏亦
能傾動一邑所謂南方尚鬼信不誣乎堂上數語
詞嚴義正使人心豁然如夢初醒然後焚之瘞之
以滅其跡亦可知鬼事之無能為矣鄴河巫嫗南
山石佛古今人同不同未可知也

山寺之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

其石室之北有一石室名曰石室

蜃樓可畏

九月望日。余行香禮畢。有諸生陳詢益者。不冠不袍。繪山被壓情形上衣不能蔽其肩。下衣不能掩其臀。踉蹌跣足。偕其叔孝廉陳君攔輿呼救。頭上血猶涔涔滴也。詢其故。則稱七月閒。學使臨潮。武童蕭振綱以較射未蒙錄取。復頂名重射。詢益以廩生保結。恐累及已。當場稟明學使。顧公將蕭振綱鎖羈。振綱懷恨在心。于此月望日。偵知詢益往西門祀祖。遂率族人蕭阿位。蕭咱畝。要子途而撻之。衣冠祭器俱被剝奪。復追至城門。

足踢仆地。褻衣毀碎。奇辱不堪。余曰。噫。其可惡也。命執而訊之。乃振綱之父生員蕭嘉福者。亦極口呼冤。

亦有一說

稱係詢益之叔舉人陳能夏。去歲入京。包攬捐納。曾收伊子蕭元介捐監銀一百二十兩。今春歸來。取無監劄。併原銀亦吞弗償。向索再三。不覺過于迫切。被率子弟陳逢陳端等。多人行兇。父子俱為毆辱。兒輩不能堪。與之角鬪。則有之。實無剝奪衣冠祭器之事。問包捐索銀之說。有何所據。則稱伊弟陳端舍立直文約。現在併陳舉人僉名花押為憑。議定價銀一百

有根據

四十兩先交銀一百二十。俟部劄到日找足二十兩。

有見証

居閒鄭桐可訊當堂呈出文約果有陳端舍陳舉人

及鄭桐各花押在焉陳舉人指天誓日稱包捐索銀

俱屬子虛重射恨稟行兇是實蕭振綱蕭嘉福更呼

天搶地言童生重射乃事之常既經覺逐事過心灰

可○信○

包捐文約當堂可驗中見鄭桐活口可質恃宦凌吞

實○難○

寒儒欲以鬪毆抵銷古今冤情莫此為甚余幾不能

辨○辯○

辯其曲直也命兩造齊下呼鄭桐訊之鄭桐言蕭陳

硬○証○

兩姓捐納交關是實先給銀一百二十兩文約花押

鑿鑿確據至其所以鬪毆之故則生員不能知也余

曰噫汝亦生員乎曰然余曰文耶武耶曰武余曰汝

武生之名卽鄭桐乎曰學名鄭綿絃然則汝小名鄭

阿桐乎曰鄭阿福余笑曰然則鄭桐何謂也曰字名

耳余曰今人命字皆以兩惟古人乃有一字之字然

則汝其古人乎曰實字鄭爽桐余曰噫汝訟棍也旣

僉名花押山且有吝惜名字止書一半之理鬼蜮伎倆

敢欺余哉再呼陳舉人質之曰此何人也陳曰此梅

花鄉訟棍無所不爲者曾充鹽埠販私鹽起家復充

○單○刀○直○入○

二○字○引○線○

○直○窮○到○

○當○頭○一○棒○

○鬼○怪○莫○逃○

叙出（一）生履歷

約長充保正。皆遭斥革。今爲武生鄭綿絃。蕭振綱。僉
來作袒証。凡捐納重事也。百金重托也。果有捐監交
關。則邑中正人君子。不可勝數。豈無彼此友朋一言
要約。而必出此縣二十里之鄉村。有名訟棍。乃可借以
爲重耶。鄭桐恃其武生。未得加刑。堅狡辯。不以實告。
余叱令下。思後生少年。詭譎不可問。惟蕭嘉福年已
老成。猶有樸直之氣。特呼上堂。語之曰。汝情事吾已
盡知。此干証鄭桐。不好被我駁破。名字不能隱諱。機
盡洩矣。汝子少年狂暴。不諳律法。汝老成君子。乃如

此○行○爲○非○所○望○也○吾○知○汝○舐○犢○之○愛○不○忍○見○汝○子○罹○道○出○心○窩○

刑○權○宜○謬○說○非○汝○本○心○但○言○出○諸○口○必○期○其○可○收○拾○不○由○人○不○服○

人○被○汝○子○毆○辱○至○此○汝○尚○欲○詐○其○一○百○二○十○金○天○地○

閒○有○此○逆○理○乎○汝○既○以○捐○監○負○約○爲○詞○則○此○一○百○二○此○銀○反○

十○金○不○爲○汝○追○償○不○可○汝○思○陳○舉○人○之○金○是○可○以○行○是○禍○根○

詐○而○得○者○雖○族○姓○大○小○強○弱○與○汝○不○敵○而○平○白○受○人○

勒○詐○百○餘○金○卽○兒○童○能○甘○心○乎○詐○者○不○已○辯○者○亦○不○窮○究○到○底○甚○屬○可○畏○

已○至○于○其○說○得○伸○則○汝○父○子○與○鄭○綿○絃○皆○爲○極○惡○光○

棍○按○律○定○罪○尚○可○活○耶○吾○憐○汝○老○成○樸○直○故○以○實○言○

告汝汝今不可欺予。鬪毆細故。罪在可寬。光棍大惡。法所不赦。何去何從。惟汝父子自擇焉。蕭嘉福乃稍變其說曰。一百二十兩之銀。五月閒實已還矣。余曰。不然。銀既還清。豈有仍留文約不還之理。汝捐納是勞。開。獎。快。無。比。虛文。約偽為兩言而決耳。汝子既為樂舞生。吾不加俯。伏。刑。褫存其顏面可也。嘉福曰。誠如明鏡。此事實非吾心。但愛子情切耳。乞憐兒子。無知稍寬其罪。余曰。諾。呼蕭振綱訊之。振綱復詭言已還百金。尚少二十金。未償。是以角較。余叱之曰。汝行兇毆剝。乃盜賊無賴。

之所爲誣人包捐假人文約欺宜罔法乃訟師惡棍
之所爲論罪應死吾念汝老父篤實姑爲汝開一生
路汝尚敢予欺乎再不實言則刑汝夾汝褫革汝樂
舞生杖汝四十荷校于市矣振綱叩首服辜乞免深
究而蕭阿位蕭咱畝亦遂將附和振綱叢毆陳詢益
遺落袍冠毀碎衣服諸事直認不諱復吊問鄭桐鄭
桐知蕭氏父子已自招承前功盡廢低頭無所語再
三問捐納交關是有是無鄭桐曰某知罪矣實無有
也曰然則文約僞爲乎曰僞也余曰振綱狂暴少年

嘉福樸直老生皆不能爲此深謀係汝一人教之耳
捐監文約亦汝代爲捏造乎鄭桐曰不敢也蕭嘉福
乃我受業之師彼懼罪爲此抵塞命我作証我不敢
違其實非有他也余曰噫汝心太奸險法應詳褫治
罪但吾念嘉福年老已許從寬姑薄罰汝示懲可乎
鄭桐叩首曰惟命俯伏乃將兇徒蕭阿位蕭咱畝各重責
三十板枷號兩月示衆蕭嘉福以老免議振綱罰銀
十兩充脩義學鄭綿紘罰米十石用給囚糧其遺失
殷裂冠服斷令蕭振綱賠償免其治罪邑人皆曰可
雖是飾詞却亦可聽
僅可之詞

先是陳詢益懼蕭姓強橫非縣令之法所能屈服陰
遣人星夜赴省于學使轅門控告至是行查余卽以
審案○悚○然○詳顧公曰蕭鄭二生目無三尺蠶樓蛾弩可
惡可畏不爲加之重懲將試場之弊端百出而廩生
莫敢言訟棍之伎倆橫生而善良受其害此豈可哉
蕭嘉福鄭綿絃各行學禡革蕭振綱卽蕭道革去樂
舞生餘如詳發落可也膠庠中有憐蕭嘉福樸實爲
兒所陷素行實無過惡者呈請代詳開復而余已謝
事署令陳公許之再請鄭綿絃陳公曰此有名訟棍

即使無預此事猶當以劣行詳禡況自投法網如之
實不可何其可

蕭姓計謀甚高說來事因更覺動聽當呈上文約
鄭桐硬証之時陳氏雖有西江幾乎難以浣濯矣
明眼善尋破綻乃在沒要緊之姓名上看出復給
得老人橫施釣餌不由他不吐出實情此鉤距神
手也蜃樓蜃弩可惡可畏有地方民社之責者移
風易俗其以此爲先務哉

風暴發其山此為長壽

手山發其山此為長壽

野夫入山此為長壽

即服書文此為長壽

漢唐時文此為長壽

蘇坡指其山此為長壽

同其山此為長壽

時其山此為長壽

